

**Coronavirus Aruba:  
0 caso nobo  
Total 62**

Dialuna 6 April 2020

Solo di Pueblo



Aña 16 - edicion 071



E-mail: solodipueblo@gmail.com

Prijs: Afl. 1.75


Cezar a reacciona riba redashi:

# **CEZAR OLARTE TA PIDI COMPACION CU PERSONANAN CU TEST POSITIVO**


**Bisiñanan a crea drama y panico**



**17 Supermercado a  
wordo cera pa no tene  
nan mes na regla di  
prevencion**



**Problema riba Facebook a culmina  
cu bringamento den Chines**



**Parlamentario Endy Croes no ta  
compronde su reaccion.....**

**Hustamente Richard  
Arends su firma ta riba tur e  
contractnan di CITGO**



**No tin  
brote di  
corona-  
virus den  
Savaneta**



**Hulanda:**

**Cantidad di pashent di coronavirus  
den intensive care ta aumenta di  
25 pa 1.385**



# Persona deteni durante TDQ di diasabra pa diadomingo



Diasabra pa diadomingo un total di 12 persona a wordo deteni durante e TDQ, informacion ricibi di Cuerpo Policial.

Algun di e detencionnan tawata na Casibari, Seneblar, Arendsstraat y varios pariba di brug tambe.

Aunke e dos dianan ta muestra halto, compara cu dia cu a cuminsa cu e TDQ, e cifranan a baha. Manera nos a bisa caba, posiblemente e palabra weekend a hunga un rol

ariba algun persona.

Pero, si ta bon durante siman e cifra lo mester keda abou.

Pues un biaha mas e mensahe cu Gobierno ta manda tur anochi via medio/rednan social, durante TDQ keda paden.

Durante dia cu ta e Shelter in Place, sali unicamente si ta necesario, por ehempel bay supermercado, botica etc etc.



## Hulanda

	23/31	24/3	25/3	26/3	27/3	28/3	29/3	30/3	31/3	1-Apr
Cantidad di morto	34	63	80	78	112	93	132	93	175	134
Cantidad di caso nobo	545	811	852	1019	1172	1159	1104	884	845	1019
Total di caso registra	4749	5560	6412	7431	8603	9762	10866	11750	12595	13614
Total cantidad di morto	213	276	356	434	546	693	771	864	1039	1173
Total interna den hospital								3390	4712	5159
Noord Brabant				2161	2448	2748				
Zuid Holland				1042	1249	1508				
Noord Holland				1019	1235	1401				

## Hulanda

	3-Apr	4-Apr	5-Apr
Cantidad di morto	148	164	115
Cantidad di caso nobo	1026	904	1224
Total di caso registra	15723	16627	17851
Total cantidad di morto	1487	1651	1766
Total interna den hospital	6286	6622	6875
Noord Brabant			
Zuid Holland			
Noord Holland			





# No tin brote di coronavirus den Savaneta


Diasabra mainta a circula varios voice note cu a crea panico na Aruba y na Savaneta. E nota di voz ta bisa cu tin un brote cu a bay for di man na Savaneta. Tin 5 cas contagia y 50 persona tin coronavirus. Tin precencia di mariniers, polis, 8 unidad di ambulance y nan ta sacando 8 persona for di un cas. Realmente un storia yena cu fantasia unda mas bien ta pensa cu esnan cu a crea e noticia aki lo tabata bao un of otro substancia di droga. E voicenote a haci un drama total y a spanta

esnan cu a scuche.

E voznan tabata bisa: Awor si cos a bay for di man na Aruba, tin 160 caso awor, 50 hende contagia na Savaneta unda mariniers a cera 5 cas cu lint geel.

DVG a bisa diasabra merdia durante nan rueda cu e noticia aki ta falso. Nada cu a wordo menciona den e voicenote ta basa riba berdad.

Nota: Cezar Olarte a repudia e mensahenan aki crea pa bisiñanan paranoid cu e virus enbes di tin compasion.



Un famia di dje ta contagia y ta na hospital, pero ta limita

na un caso solamente. Bisiñanan paranoid cu e situacion a percira pa

un exageracion total di e situacion.

**Cezar a reacciona riba redashi:**

## Cezar Olarte ta pidi compacion cu personanan cu test positivo Bisiñanan a crea drama y panico

Diasabra mainta den careda di 10.00 di mainta a circula un mensahe di voz riba whatsapp di varios persona, kendenan a causa un panico na Aruba y den Savaneta. Emensahenan di voz tabata asina dramatico mencionando un cantidad di cosnan. E cantante Arubano Cezar Olarte a manda un facebook video, unda e ta rechaza e redo coriendo rond, ocasiona pa su bisiñanan.

Cezar Olarte a cuestiona su bisiñanan cu a causa e redo aki. Ta berdad cu tin un famia di nan

cu a test positivo, pero e señora a bay hospital.

Ne e cas di e famia a keda atras e esposo y e yiu homber cu ta traha na airport. Ambos a haci test, pero a sali negativo. Cesar a yama e autornan di e mensahenan pa shishi, pasobra no tin ningun block cu ta contagia, ningun 5 cas cu ta contagia, ningun Yolanda, Cezar of yiu di Cezar.

Cezar ta puntrando su mes, unda e comprecion a keda pa hendenan cu ta test positivo? Nan no ta

bira un monster. Mester tin compacion cune, resa pidi pa morto no cay. Ta hopi hende por wordo infecta.

Cezar a pidi na tur esnan cu ta lanta falso testimonio pa nan stop. Bida di hende no ta cos pa hunga cune.

Bisiñanan a bay te na su cas na Savaneta, pa causa sensacion y trece negativismo. E ta admiti cu e tin un famia, cu a test positivo. E primo ta den man di DVG. No ta razon pa sensacion, pa lanta falso testimonio.

“Saca mi nomber for di bo boca, saca Yolanda for di bo boca, saca e mariachi di boso boca”. Omo di Cezar ta na cas y nan ta safe. Su Omo a test negativo como tambe e primo tambe ta bao control di DVG. Cezar ta pidi pa stop cu e creamiento di redo y ta pidi compacion pa tur esnan cu ta pasando den e situacion aki.





# Problema riba Facebook a culmina cu bringamento den Chines

## Empleado di departamento di Husticia ta cana busca problema enbes di cumpli cu shelter in place



Recientemente a surgi un problema entre dos homber cu a topa otro den Chines na Sta. Cruz cual a termina den un bringamento cu mas bien ta un culminacion di discucion riba facebook.

E homber bisti na cora, un ex coordinador di Mike Eman, cu ta emplea na un

departamento di Husticia a start e bringamento den Chines. Por mira con ya caba e homber bisti na geel a cana bay, pero esun na cora ta sigui su tras pa di un forma di trincion agredi'e cu mokete.

Fuentenan na altura a informa SOLO DI PUEBLO cu un keho a keda entrega na polis

riba e comportacion di e ciudadano cu ta traha na departamento di husticia.

Por bin compronde cu esaki ta culminacion di discucion riba facebook y no por descarta cu esaki lo tin di haber cu comentarionan di indole politico cu a bay for di man. E homber agresor

no ta gusta loke e otro persona ta comenta riba facebook y ta pretende cu te lo ta doño di facebook. Esaki a crea e esacalcion cu nos por considere uno politico.

Mas leeuw SOLO DI PUEBLO por compronde cu e agresor tin historial caba di agredihendeytaun

customer di dje pa parti sla. Awor tanto su hefe di trabao, probablemente Trudy Hassel como tambe autoridad mester investiga e caso aki pa wak di enberdad e ta den un situacion sano mentalmente cu e por sigui eherce su trabao riba stranheronan ilegal.

# Cu desinfeccion tur dia, hygieny y mask obligatorio a frena e virus na Wuhan

Cu desinfeccion, hygiene y mask obligatorio Wuhan a frena e virus  
EFEWuhan (China)

E bida na Wuhan a cambia desde inicio di e brote di Coronavirus na December 2019/ Januari 2020. Te cu awe, na porta di tur hopsital, supermercado, hotel, of cualke oficina na Wuhan, mester pasa dor di un proceso obligatorio cu ya a bira custumber: Un security guard ta spray cu desinfectante pa reduci e riesgo di transmicion di e virus.

Ademas e ta obligatorio pa tuma temperatura pa detecta si e persona tin keintura, cual ta un di e simptomanan di Covid-19.

Desde comienzo di e epidemia, China a duna prioridad pa desinfecta masalmente tur caya, edificio etc. etc., cual tabata un paso pa frena e brote.





Parlamentario Endy Croes no ta compronde su reaccion.....

# Hustamente Richard Arends su firma ta riba tur e contractnan di CITGO

Parlamentario Endy Croes a keda asombra cu reacion di entre otro Richard Arends miembro di Parlamento den oposicion tanto riba su Facebook y den prensa. Por a tuma nota desde cu e Ley pa apodera Ministernan pa kibra contracto cu CITGO esta e "Termination Agreement" a drenta Parlamento diferente politiconan di AVP a esoge e actitud di ataca gobierno defendiendo CITGO (un contracto cu AVP a firma) den forma baho y sin contenido. Parlamentario Endy Croes ta bisa aunke nos ta keda splika na un manera decente basa riba feiten den e contracto primordialmente respetando e Crisis cu Aruba y mundo ta pasando aden nos ta haña nos obliga kisas pa reaciona y splika cu harde feiten na un idioma poko mas skerpi.

## Richard Arends a gaña Parlamento cu e no tin contracto cu RDA:

Parlamentario Endy Croes ta corda manera ta ayera momento cu colega Edgard Vrolijk a haña e contracto di Richard Arends como CFO (Chief Financial Officer) den su bus y a presenta esaki durante un reunion publico den Parlamento. Richard Arends a sali desmenti esaki formalmente. Momento cu a haña extra documentonan di Richard Arends su nombracion y besluitennan di reunion como prueba ontop pagonan cu el a ricibi caba di RDA como CFO ta e momento ey Richard Arends a core manda Minister Presidente di Pais Aruba. Den e

carta Richard a pidi su "ontslag" for di RDA. Minister Presidente na su turno a contesta Richard cu e carta ey mester wordo manda pa RDA. Asina Richard a wordo retira oficialmente como CFO di RDA. Tin pruebanan cu a wordo publica con Richard Arends tabata aproba, autorisa y efectua pagonan grandi mediante online system di RDA. Pues desde aki Richard Arends ta wordo "gestempeld" como un ganador y mentiroso den promer fila. Richard Arends tabata cobra 22 mil pa luna cu un cantidad di beneficio secundario na RDA. Richard Arends su compania Horizon tambe a conseha RDA pa mas di mei miyon florin mientras el a cobra 4 miyon via su compania Horizon Consultancy pa conseha Mike Eman den henter e trayecto aki via gobierno. Pues mi no lo duna mucho balor na expresionnan di Richard Arends den henter e asunto aki como cu ta prueba cu e ta un mentiroso masga grandi.

## Richard Arends su firma tabata tur caminda riba tur contract di CITGO/ RDA:

Aparentemente Richard Arends no a lesa lokual el a firma despues cu e mes a forma parti di e negosacionnan. Na promer lugar e contracto no a wordo firma cu CITGO Petroluem Corporation e compania cual awe Richard y AVP ta pretendiendo cu ta esun cu tin e plaka. Nos ta lamenta esaki masha hopi paso si Bo tabata sa Bo mester a actua corecto y hasi lo corecto. Criyoyo bisa "hasi drechi".

Artikelnan den



## contract unda AVP a entrega derecho di Pais Aruba:

Den artikel 19.3 di e Definitive Participation Agreement (DPA) firma 10 di Juni 2016 Gobierno (AVP) a entrega inmunidad soberano di Pais Aruba. Den artikel 16.3 di (DPA) y artikel 19.3. di e Refinery Lease Agreement (RLA) Richard Arends y AVP a entrega e derecho di Pais Aruba pa lanta cualkier

caso contra CITGO pa daño di perhucio of pa cualkier incumplimento di e contract. Na artikel 18.1 di (DPA) Gobierno di AVP e tempo ey a acepta cu "sancionnan" tambe ta wordo califica como un evento di Force Majuere. Hustamente esaki awe CITGO lo usa si cana e caminda den e contracto di Umbrella Dispute Agreement hasiendo chens di Aruba hopi minimo. Pues

akinan Richard Arends cu a negosha e contracto hunto cu Mike Eman y Mike De Meza a acepta cu pa motibo di sancionnan, Pais Aruba NO por tene CITGO ni tampoco PDV Holding (kende a para garantia) responsabel pa su incumplimento pa motibo di Force Majuere. (Art 18.3). A buen entendedor pocas palabras!

**WHEEL 3D ALIGNMENT**

89.50 AFU

PONTON 71  
LG SMITH BLVD 114  
744.59.07

TRAINED STAFF  
ASIA, EUROPE, AFRICA

PUNCTUALITY AND GUARANTEE  
EQUIPPED WORKSHOP

DUNLOP PIRELLI MOMO HANKOOK



# Colombia a rechaza donacion di Venezuela di dos machine pa test Covid-19

Gobierno di Ivan Duque a rechaza un donacion di dos machine pa test pa Covid-19 cu a wordo ofreci dor di Nicolas Maduro. Ta trata aki di motibonan politico cu a rechaza esaki, na momento cu e relacion entre Colombia cu Venezuela ta uno deteriora. Sinembargo Colombia a informa cu ta pa motibonan tecnico di compatibilidad.

Delcy Rodriguez, vice presidente ehecutivo a anuncia esaki via su link di Twitter. "Una muestra más del desprecio del señor Ivan Duque por la vida y la salud del pueblo colombiano y su repercusión sanitaria en la Región", Rodriguez a bisa.

Jorge Rodriguez, vice president di e sector di Comunicacion, cultura y turismo a bisa cu e dos machinenan pa diagnostica coronavirus ta cla pa wordo entrega na Colombia cu nan respectivo permiso y cu intermediacion di OPS, Organizacion Panamericana di Salud.

E autoridadnan di OPS di nan banda a transmiti e decision di Gobierno di Colombia na Gobierno Venezolano, cu a ricibi e noticia aki cu asombro. Venezuela a bisa di lo sigui insisti riba accionnan sanitario cu Colombia, cual hunto nan ta comparti un frontera di 2200 km<sup>2</sup>. Opinion publico alrespecto di e situacion



aki ta bisa: Venezuela no tin ni pa su mes pueblo, no tin ni gasolin, ni cuminda, pueblo ta muriendo di hamber, y

ta un burla cu Nicolas Maduro kier hunga sinterklaas cu placa di pueblo Venezolano pa crea un impresion di kier

hunga bon hende. Ta mas cu logico cu Colombia no por acepta e hipocrecia aki.

## 17 Supermercado a wordo cera pa no tene nan mes na regla di prevencion

Taksforce di Gobierno cu ta encarga pa controla cu e reglanan di prevencion ta wordo cumpli a haya nan mes ta cera 17 supermercado diasabra merdia. Asina Minister President a informa diasabra anochi, refiriendo na 17 'luga' cu a wordo cera.

SOLO DI PUEBLO a bin compronde cu mayoria ta supermercadonan Chines, cu no tabata garantisa e medidanan di prevencion.

Den e ultimo ordo di Gobierno, a pone regla pa supermercadonan. Nan mester tin botter di alcohol/hand sanitizer na porta pa tur hende cu drenta, mester hunta obligatoriamente.

Tambe no por ta asina cu tur hende ta cana pa loco den supermercado, pero mester sigui e ruta di "one way", es decir bo mester drenta y cana den e supermercado den un solo direccion te ora bo yega cahera.

Ademas mester tin signalnan di 2 meter den henter e supermercado.



Varios supermercado no tabata cumpli cu e regla of tabatin aglomeracion di hende na cahera sin cu e supermercado a tuma prevencion di hala e hendenan.

Den area di Sta. Cruz, como 5 pa 6 supermercado a wordo cera diasabra merdia.

Algun supermercado a pone un

papel na porta unda ta bisa cu nan lo habri te diamars. Otro supermercadonan a organiza nan mes masha liher y den algun hora nan por a habri nan porta bek.



Hendrick Croes (AAA):

# Proyecto Gateway 2030 di aeropuerto lo continua den forma ahusta

## Pero lo ta den un otro forma

E proyecto Gateway 2030 tin atencion di aeropuerto como un di e proyectonan di infraestructura di mas grandi den historia di Aruba.

Awor aki ta confronta e situacion cu nan no a premira. Nan no a anticipa cu esaki lo sosode, pero ta keda enfoca riba e resultado cu e proyecto Gateway 2030 tin pa economia di Aruba, segun vocero di AAA, Hendrick Croes. Aki, unda e impacto cu e lo haci pa yuda economia den futuro, tambe e industria di turismo, ta loke ta pone keda cu e punto di bista cu mester continua cu e proyecto Gateway 2030 aunke e tin hopi atencion awor aki pa analisa den ki forma lo sigui cu e proyecto Gateway 2030.

Mirando e situacion economico mundial awor aki, e escenario ta

cambia un tiki. Ta bay scoge, no den e plan specifico full e final ainda, con e proyecto aki lo sigui.

Pero sigur lo tin cambio unda cu lo bay tene cuenta cu lo mester por financia e proyecto aki tambe den un forma responsabel, unda cu aeropuerto por ta responsabel di e actonan cu ta bay tuma luga pa e proyecto aki.

E ta sigui por lo pronto segun e cu e prediccinnan actual cu ta sigui. Pero tur cos ta dia pa dia mester analisa di nobo.

Mester mira tur proyecto di cerca pa wak kico ta e gastonan, kico ta e efectonan cu ta bay tin y tuma e decision na e momentonan ey.

Pa awo e proyecto ta sigui pero cu cambianan sigur den dje



unda cu por sigui haci e proyecto aki den un forma responsabel.

Croes ta sigui splica cu awor aki tur hende na Aruba, tur compania ta den un fase asina cu mester para keto un rato y analisa kico ta e siguiente

pasonan cu ta bay tuma luga.


Pa loke ta e proyecto tambe ta eynan asina aki. Ta scoge si pa sigui cu e proyecto pero lo scoge den e forma exacto con e lo continua.



**CAS DI MAX TA ANUNCIA CU  
NOS TA HABRI PA PEDIDO VIA  
TELEFON + FB + INSTAGRAM**

**PAGO PREFERIBLE ONLINE OF CASH NA CAS!  
NOS TA DELIVER GRATIS SIGIENTE DIA!**

**NOS 2 TIENDANAN LO TA SERA PA PUBLICO!**



• Orario: dialuna pa diasabra 9 - 5pm • tel. 582-1671 • tel. 280-6080



# Cientificonan Australiano: Remedi di pieu capas di mata coronavirus den 48 ora

Un estudio dirigi pa e Universidad di Monash, na Melbourne (Australia), a demostra den cultivonan celular cu unremediantiparasitario - usualmente uza pa combati pieu - ta capas di mata den 48 ora e coronavirus cu ta wordo causa pa covid-19.

E estudio, publica diabierna den e revista Antiviral Research, ta muestra cu un dosis halto di Ivermectin por para e crecimiento di SARS-CoV-2.

"Nos a descubri cu hasta un solo dosis por elimina tur ARN viral den 48 ora y cu, ademas e 24 oranan ta produci un reduccion realmente significativo," Kylie Wagstaff, autor principal di e estudio, cita pa The Sydney Herald, a expresa.

Ivermectin ta un remeti contra pieu aproba pa e Administracion di Alimento y Medicamento di Merca (FDA) cu tambe

a demostra "in vitro" ta efectivo contra un gama amplio di virus, incluyendi HIV, dengue y zika.

Sin embargo, expertonan ta puntualisa cu e pruebanan ainda no a wordo realisa riba hende.

## Vacuna y tratamentonan nobo

Varios entidad ta trahando pa haya vacunan contra coronavirus, dos di cual ya a drenta den fase di ensayo clinico.

Sin embargo, e Agencia Europeo di Medicamento (EMA) a delanta cu e disponibilidad di un vacuna por tarda por lo menos un año.

Na Reino Uni, e Universidad di Oxford a convoca 510 boluntario sano pa somete na pruebanan di un vacuna. Segun Adrian Hill, director di e Instituto



Jenner - entidad cu ta forma parti di e tareanan - Oxford tin "un experiencia excepcional di respuesta rapido, kico

a pasa cu e brote di ebola na Africa Occidental a 2014." Di un otro banda, specialistanan

Australiano a cuminsa realisa ensayonan preclinico di un potencial vacuna contra covid-19.

## Camara di Comercio:

# Pasonan cu por salba e empleadonan di sector priva

Aruba ta den un crisis social/economico profundo y Camara di Comercio ta consciente di e medidanan adopta, sin embargo, den un comunicado, nan ta sugeri lo siguiente:

1. E empresarionan mester haci tur posibel pa mantene e empleadonan riba payroll.
2. Gobierno mester apoya e empresarionan pa nan haci esaki.
3. Gobierno mester reduci nan salario y debilbe e placa na e empresarioan pa nan paga nan empleadonan den sector priva cu e fondonan aki.
4. E servicionan di ELMAR - WEB

- SETAR mester ta disponibel sin costo, sin vencemento, GRATIS, te proximo aviso.

5. Tur impuesto cu tin cu paga, no mester wordo defiri, sino ta extento di inmediato, pa asina e empresarionan por paga su empleadonan riba payroll (mantene e efectivo den funcionamiento), te proximo aviso.

6. Gobierno mester traha duro pa obtene un inyeccion di capital pa e cantidad cu Aruba tin mester pa mantene e economia bibo te por lo menos fin di año, calcula di luna pa luna.

7. E inyeccion menciona den punto number

6 mester bay pa e empresarionan pa nan por paga nan empleadonan y no na e gastonan di gobierno.

Camara di Comercio sa y ta sinti cu Gobierno ta haciendo tur posibel pa yuda mas hopi posibel, sin embargo, ta compronde di e miembronan di Camara di Comercio cu e preocupacionnan principal ta esunnan anterior.

Tin of lo tin 50 mil persona desemplea na Aruba cu tin mester di ayudo y e persoanan aki, os hendenan tin mester di ayudo rapidamente.

Naturalmente Camara di Comercio ta dispuesto pa yuda y duna su opinion ora cu esaki ta necesario.



# NOBO! Mini droplets ta keda circula den aire y ta wordo emiti hasta ora hende conversa

Un investigador di coronavirus, riba e forma di transmision di e virus, Kasuhiro Tateda, di Universidad di TOHO na Japon, a releva su hayasgo, cu tin un di tercer forma con coronavirus ta wordo transmiti, esta dor di micro droplets, (micro scupi).

Micro-droplets (micro scupi) ta keda circula den aire, despues di un tos of durante conversacion y por carga e virus. Papiando cu un persona, hibando un conversacion, den un situacion unda cu e aire no ta move, (den un kamber cu airco, oficina cu airco), ta hisa e riesgo pa contrae Covid-19. Mester haci mas investigacion awor pa asina proba e hayasgo di e scientifico, pasobra te cu awor no tin claridad riba e cantidad di micro-droplet cu lo por causa un infection.

E director general di e "Chines Center for disease control" a bisa cu tur hende mester bisti mask pa reduci e riesgo.

Esaki ta contrario na e stipulacionnan di Europa y Merca, cu ta bisa cu ta solamente persona sospechoso mester bisti mask. Na Europa y na Merca nan ta bisa cu dor escases di mask, nan ta pidi pa tur mask bay pa e dokternan y enfermera solamente.

Sinembargo e investigacion nobo haci na Japon, ta muestra cu papiando cu un persona infecta, mientras bo no tin un mask, e riesgo ta bira mas grandi pa haya Covid-19.

E organisacion di media na Japon, NHK, a join cu e asosacion Japones di "Infectious Diseases" pa traha un video riba e cantidad di mini droplets cu ta wordo emiti den aire durante niester, tosamento y conversacion.

Ya pa hopi luna caba, nos a wordo bisa pa nos niester of tosa den nos eleboog of den un napkins, of pa bisti mask pa evita di plama e virus. Tambe nos a wordo bisa pa keda 1 1/2 meter di otro hende.

Nos a wordo bisa cu e droplets cu ta contene viral loads lo no alcansabo si bo tene distancia di un persona infecta.



Nan ta hopi pisa y nan lo cay abao prome cu nan yega cerca bo. Bo por contagia si bo mishi cu e dropletsnan ey y despues mishi bo boca, nanishi of wowo.

Ta pesey mester laba man mas hopi posibel y evita di mishi cu bo cara.

Presidente di e asosacion, Kazuhiro Tateda, a splica cu ora nos papia, nos ta emiti particulonan micrometer, Micro droplets.

E particulonan aki chikito ta similar cu e droplets di tos, pero e "gravity" lo no laganan cay abao.

Como resultado, nan ta keda den aire pa un tempo mas largo y nan por alcansabo cu facilidad, particularmente si bo no ta proteha. Pa proba e teoria, NHK y e grupo di investigador a usa un camera "high sensitive" cu laser beams pa graba e movcion di droplets durante nister, tos y durante un conversacion regular. E video ta muestra cu e dropletsnan grandi ta cay abao, pero micro droplets ta keda den aire. Mas peor ainda, micro droplets ta muestra riba e video, cu nan ta wordo emiti durante conversacion. Nan ta asina chikito cu bo no por ni wak nan cu wowo. Pesey bo lo no realisa e peliger cu bo ta expone bo mes na dje. E investigadornan a bisa cu ne

momento aki nan no sa cuanto micro droplets mester inhala pa contagia cu Covid-19, pero esaki ta sigui bao investigacion.

E video a simula kico ta sosode den un kamber cera, of por ehempel den un airport cera y por mira cu e micro-droplets ta sigui circula den aire den tur direccion, cuasando cu tur otro hende ta inhala esaki. Tur hende den e kamber lo wordo exponi. E video tambe ta muestra un solucion: Ta un solucion simpel. Habri bentana pa laga aire circula, lo hiba e micro-dropletan pafor. Distancia social tambe ta e mihor cos cu bo por haci. Pa e razon aki mes, e hecho cu a cera negoshinan y laga hendenan traha for di cas, ta e mihor desicion.

Ademas, e video ta muestra e importancia pa bisti mask pa proteha bo mes.

George Gao, e director di CDC cu a cordina e coronavirus response na China a bisa cu Europa y Merca ta haciendo un error hopi grandi, ora cu ta trata di bisti mask.

E error grandi di Merca y Europa, den su opinion ta cu hendenan no ta bisti mask. Ora un persona papia, semper tin droplets (scupi) ta wordo emiti. Bistiendo un mask e ta evita cu e droplets (scupi) ta wordo emiti y esaki por baha e chens cu personanan cu tin e virus, por emiti esaki riba otro. E rol di mask aki ta cu e ta preveni emision di scupi ora un hende papia. Ademas e tin un beneficio di blokea tosamento.

Nos ta pone aki e video cu a wordo traha na Japon pa muestra con e mini dropletsnan ta keda den aire, te hasta ora un persona papia.





## Supuesto hendenan comiendo den Wendy's Tanki Leendert, tabata trahadornan riba nan break




Tanki Leendert: Diasabra den careda di 2'or y 20 di merdia, informacion a drenta cu lo tin hende comiendo den e dinning room di Wendy's na Tanki Leendert. Mesora a manda un patruya na e sitio pa bay controla.

Manera ya tin algun simannan caba cu gerencia di Wendy's mes a cera su dinning roomnan y ta operacional solamente via e bentana Drive thru.

Na yegada Polisnan no a bin topa cu

ningun cliente comiendo den e dinning room, tabata trata di un of mas trahador cu durante nan break ta sinta come algo un rato. Asina mes polis a bisa e supervisor di Wendys pa no laga niun cliente come paden.

## Fort Heuvelstraat - Diabierna den oranan di atardi polis a efectua dos detencion ariba Fort Heuvelstraat.



Esaki tawata relaciona cu desordo di brommer ariba caya.

E problema ta sinta cu tanto auto y brommer ta bay den Colony y ta haci fever etc etc.

Tur esaki cu por termina un accidente serio, sin conta cu e ta prohibi ariba caminda

publico.

Diahuebs atardi tambe tawata mesun un problema. Diabierna polis a bay un biaha mas pa e mesun situacion, esta cu brommer lo ta causa molester.

Bayendo a topa cu dos brommer, mesora

agentenan a paranan y a pidi nan pa nan papelnan.

Uno por a muestra esaki y e otro no.

Na final polis a detene dos persona y a confisca un brommer.



Parlamentario Endy Croes:

# Haña sa poko mas di e contract di CITGO

Dicon Gobierno anterior no a firma e contracto directamente cu Citgo Petroleum Corporation? Parlamentario Endy Croes ta duna poko mas splikacion alrespecto e contracto di Citgo. Den e siman(nan) binidero lo mester trata un ley den Parlamento pa duna apoderacion nan 3 minister esta Minister Presidente Evelyn Wever Croes, Minister di Financien Xiomara Maduro y Minister di Infraestructura Marisol Lopez Tromp pa nan por firma e "Termination Agreement" y asina finalmente termina e contracto cu CITGO y haña e jabinan di refineria y terminal legalmente den man di Gobierno/RDA pa asina por sinta cu otro interesadonan y scucha y sondea tur ideanan cu lo por wordo presenta.

## Gobierno Anterior No a firma cu CITGO Petroleum Corporation (CPC):

Parlamentario Endy Croes a tuma nota cu entre otro Mike de Meza y Richard Arends a cuminsa cuestiona den media alrespecto e "Termination Agreement" y ta splika cu CITGO Petroleum Corporation (CPC) si tin suficiente plaka. Parlamentario Endy Croes ta puntra mesora dicon Mike Eman, Mike de Meza y Richard Arends no a firma e contracto cu CITGO Petroleum Corporation anto? Ta masha hopi wega a wordo hunga den tur e asunto di CITGO aki. Den henter e inleiding di e Memorie van Toelichting di e Ley di 29 September 2016 Mike Eman a splika cu CITGO Petroleum Corporation Inc lo ta esun cu lo explota e Refineria y e Terminal na Aruba. Despues cu nan a elogia CITGO Petroleum Corporation Inc asina hopi como un compania grandi y renombra, Mike Eman, Mike de Meza, Richard Arends y gobierno ta bira sera contractonan cu, a.) CITGO Aruba Holding, b.) CITGO Aruba Refining N.V. y c.) CITGO Aruba Terminal N.V. Pues 3 compania chiquito den mundo di petrolio practikamente sin fondo. Con e structura ta hinka den otro? E compania madre



di e dos companianan CITGO Aruba Refining N.V. ( kende lo explota e Refineria) y CITGO Aruba Terminal N.V. ( kende lo explota e Terminal) ta CITGO Aruba Holding N.V. Akinan e laso di companianan a caba tambe. Pues CITGO Petroleum Corporation Inc (CPC) ningun momento NO ta MOEDER of ( MAMA) di CITGO Aruba Holding N.V. Pero ta solamente un manager.

CITGO Petroleum Corporation ta un Manager cu Service Agreement:

Parlamentario Endy Croes ta splika ta aki e wega a wordo hunga te hasta den e Memorie van Toelichting di e Ley LV voorzieningen heropening oliereffinaderij AB 2016 no 50 di 29 di september 2016. Despues cu Mike a gaba CITGO Petroleum Corporation INC

den e Memorie van Toelichting asina tanto, (mesun compania cu awe Mike de Meza y AVP ta bisa cu tin plaka), na un manera "opzettelijk" willens en wetens ta coopera pa CITGO Petroleum Corporation Inc ( CPC) bira solamente un Manager permitiendo CPC sera un "Service Agreement" cu su mesun tres companianan chiquito pa cu nan management. Pues CITGO Petroleum Corporation Inc ta keda solamente un management company y no ta carga NINGUN pero NINGUN RESPONSABILIDAD di cualkier incumplimento di e obligacionnan di e contractnan. Unico responsabilidad cu CPC ta carga mediante e construcion aki ta pa "chica" e tres companianan ariba menciona cu management fee masha halto y saca tur e plaka.

Dicon Gobierno di Mike Eman no a firma cu CITGO Petroleum Corporation Inc?

E pregunta mas cardinal cual kisas Parlamentarionan di AVP manera Richard Arends y Mike de Meza por contesta den e proximo reunion momento trata e Termination Agreement di CITGO ta dicon gobierno di AVP no a firma e contracto cu CITGO Petroleum Corporation Inc ( CPC) siendo un compania "kapitaalkrachtig" cu tanto nan mes a gaba den e Memorie van Toelichting y laga e compania grandi y reconosi aki para responsabel y duna e GARANTIA pa cumplimiento cu su obligacionnan den e contracto Definitive Participation Agreement? Part 2 lo continua. Marlon Sneek no ta compronde e materia.

**TOP MORNING SHOW**

**Julisa ARENDS HOEVERTSZ**

**Top 95 FM**

**MONDAY TO FRIDAY 9AM - 12PM**

**WWW.TOP95FM.AW**  
WWW.FACEBOOK.COM/TOP95FM



## Desconocinan a cende candela den Tulpenstraat



Tulpenstraat - Diasabra anochi un biaha mas antisocialnan ta cende candela. Esaki a para bira manera algo normal y pret pa algun hende.

E sitio tawata dilanti un cas bandona, unda cu un monton di sushi a ser cendi. Brandweer a yega y mesora a cuminsa paga e candela.



Polis a tene e caya cera pa asina trafico no stroba durante cu bomberonan tawata eherciendo nan trabou.

## Den scuridad di anochi Tres menor di edad a yega un adres, bisando cu nan mama ta wordo maltrata



Kudawecha - Diasabra anochi algo prome cu 11:30 3 menor di edad a yega un adres nan Kudawecha gritando pa auxilio.

E tres muchanan a bisa e habitantenan cu nan tata lo ta batiendo nan mama formalmente.

Mesora e habitantenan a bati a alarma pidiendo presencia di polis cu urgencia.

Patruiyenan cerca a bay direccion di Kudawecha.

Na yegada mesora polisnan a bay over na

detene e homber, cu tawata completamente soda.

Un indicacion cu algo serio tawata pasando y cu e ta hopi excita.

Na e sitio por a compronde y saca afo cu e problema lo por a start momento cu e tanto tata y mama a cuminsa bebe. Probablemente for di oranan di atardi. Y pa anochi e termina den algo traumatico pa tres menor di edad.

Autoridad lo a pidi presencia di



Slachtofferhulp, pa e problema lamentabel aki. E tres criaturanan a keda scondi na e adres cu nan a core yega, den e scuridad di anochi. Situacion social ta hopi

tenso na e momentonan aki, y lo por bay mira un aumento di violencia domestico. E homber a wordo deteni y hiba warda, Slachtofferhulp lo tin e tarea awor pa

analisa e situacion familiar unda cu tin tres menor di edad involvi.

Un ambiente traumatico pa e menornan.



Koolman di DVG:

# Nos ta desea pa mas caso bin dilanti pa proteha otro



Senjora Koolman di DVG durante rueda di prensa diasabra anochi a sigui elabora riba coronavirus: "Mas caso cu bin dilanti, esey nos kier, nos ta desea mas caso bin dilanti."

"Si un persona ta positivo, e por proteha esnan rond di dje dor di isola su mes. Si cuminsa stigmatiza un persona ta positivo, e ta bay sconde. E caminda ey nos no mester bay. Stigmatizacion no ta corecto", Sra. Koolman a bisa.

Stop stigmatizacion:

Ta pidi tur esnan cu ta traha den cuida engeral na Aruba, pa stop esaki. E no ta yuda na nada. Nos no ta gana nada cu stigmatizacion di hende. Ta tur hende por haye. Paña di proteccion di personal di ambulance:

Na momento cu ambulance duna asistencia y ta bisti su paña apropia, kemen cu e persona tin problema respiratorio. Esey no kemen cu tin covid-19 na e cas ey. Pero ambulance y persona di hospital

ta sigui nan protocol di bisti paña protectivo. Esey no kemen cu e persona tin algo, pero esey ta pa precaucion. E personalnan aki mester cuida nan mes pa nan por cuida nos.

Bisiñanan: Kico mester haci si mi bisiña tine?

No ta asina cu ora bo tosa y niester, e ta sali for di bentana y bay den bentana di bisiña. Si bo ta biba den un flat, na Hulanda of Merca, unda nan ta biba riba otro, cu no tin bon ventilacion, por ehempel drenta den lift, mishi na man di trapi, bo no ta laba man, bo no ta usa handsanitizer, bo por haye. Na Aruba e casnan ta separa for di otro, pues e riesgo ta menos. Coronavirus no ta bula pasa over di un cas pa otro cas.

**Groeps immuniteit:**

Esaki ta algo cu ta wordo usa hopi aña caba. Muchanan cu ta haya vacuna for di baby, nan ta haya un pakete di vacuna, t'e muchanan cu por haye ta wordo duna, pa proteha esnan cu no

por haye. Loke ta purba haci internacionalmente cu coronairus, ta di crea un inmunidad di coronavirus den bo poblacion. Pa bo crea esey bo mester tin 60% di bo poblacion pa haya e virus. E 60% ey ta cubri, of ta defende e otro 40% den grupo vulnerabel, cu no por haye, pasobra nan ta bira hopi malo. Vacuna ta logra esey,

pero awor no tin vacuna. Pa Salud Publico, mas caso bo tin pa dia, por ehempel, 10 caso pa dia, y ningun no a bay hospital, bo ta gana cu esey, Aruba a gana cu esey. Pa DVG ta desea pa haya mas caso positivo pa dia, pa e bira mas grandi pa proteha e grupo cu bo no kier pa haye. Si haya 1 caso pa dia, of 0 caso pa dia, ta ki dia nos lo yega

e groeps immuniteit ey?

Reaccionnan estilo di Savaneta ta stroba e intencion di DVG. Loke a pasa cu ta discrimina e personanan dje forma aki, no ta corecto. Esaki no ta saludabel, ni pa esnan cu ta malo. Esaki no ta humano. Senjora Koolman a pidi pueblo pa porfavor: NO HACI ESAKI.

## Kapitein wordt onwel op zee en keert terug naar Aruba

Een vaartuig voer afgelopen week vanuit Barcadera richting open zee met als eindbestemming Martinique. Gedurende de reis werd de kapitein onwel en besloot uit veiligheidsoverwegingen naar Aruba terug te keren. Het Rescue and Coordination Center (RCC) van de Kustwacht nam het vaartuig waar toen deze ten noorden van Aruba voer en stuurde daarop de Kustwacht helikopter om contact met het jacht te maken. De kapitein gaf aan dat hij terug wou naar het eiland voor medische assistentie. Na goedkeuring van de Arubaanse autoriteiten zette het zeiljacht weer koers richting het eiland. Onderweg begaf de motor van het zeiljacht het en verzocht de kapitein de hulp van de Kustwacht. Het RCC stuurde na dit verzoek een Metal Shark naar de locatie van het vaartuig om deze op sleeptouw te nemen. Echter hoefde het vaartuig niet gesleept te worden omdat de kapitein de motor uiteindelijk zelf aan de praat kreeg. Het Metal Shark team heeft het vaartuig naar Barcadera begeleid waarna de bemanning bij aankomst zich bij de lokale autoriteiten moest melden.





## Hulanda: Cantidad di pashent di coronavirus den intensive care ta aumenta di 25 pa 1.385

Departamentonan di cuidonan intensivo di hospitalnan Hulandes tin un total di 1.385 pashent di coronavirus, e Red Nacional di Cuidonan Intensivo (LNAZ) a informa diadomingo atardi.

Esaki ta un aumento di 25 compara cu diasabra. E aumento aki ta menos cu diasabra, ora cu ainda a informa di 36 pashent. "Nos ta mira un imagen stabil, riba un liña compasa cu e dianan anterior y cu cifranan di RIVM. Esaki ta debi na e afluencia cu e ta stabilisando y mas pashent ta recuperando gradualmente y ta bandona ICU," presidente di LNAZ Ernst Kuipers a bisa.

E aumento nobo di 25 aki ta e cantidad total di admisionnan nobo den ICU debi na coronavirus, menos e cantidad di pashentnan cu a recupera y a fayece den ICU. No tin cifranan actual disponibel durante e fin di siman. Normalmente tin 1150 luga den cuido intensivo na Hulanda, pero tur hospital Hulandes ta aumentando considerablemente.



Diadomingo anochi, mester tabata tin un total di 2400 luga disponibel, di cual aproximadamente 505 ta destina na pashentnan cu no ta infecta pero cu ta den ICU pa otro rasonnan. Esaki ta nifica cu rond di 500 cama ainda ta disponibel pa

personanan cu coronavirus diadomingo atardi. Actualmente 271 di e 505 luganan pa "otro" pashentnan ta ocupa.

### Pashentnan traslada pa Alemania

Pa evita cu e ICUnan cera,

e pashentnan Hulandes cu coronavirus tambe ta wordo hiba Alemania como precaucio. Te cu diadomingo hasta, 24 pashent ya a wordo transferi. Esey ta shete mas cu diasabra. Por lo menos 33 hospital Aleman a wordo declara dispuesto pa admiti pashentnan Hulandes.

## Polis a detene persona pa tabata aglomera riba caya y intoxica na comienso di Dominicanessenstraat



Diadomingo merdia a drenta informe di un aglomershon di hende tegenover di Manuelitos,

mesora a dirigi un unidad na e sitio. Na yegada a bin topa un

homer intoxicado sintiendo e plein na comienso di Dominicanessenstraat.

Debi cu e persona aki no tabata cumpliendo cu "Shelter In Place" a detene y transporte pa

warda di polis pa por tuma su datos y duna un boet.





# MESTER PREVENI ABUSO DI PODER USANDO CORONAVIRUS COMO EXCUSA!

Aruba na e momentonan aki ta pasando den temponan dificil pa motibo di un enemigo invisibel, esta Corona-virus, cu ta azontando mundo henter. UPP a opta na prome instante pa bay "low profile" riba topiconan di gobernacion y riba "social media" nos a trata di duna nos aporte na pa yuda conscientisa nos comunidad riba e importancia pa un cuida personal y cumplimento di loke autoridadnan ta pone como instruccion pa asina trata na contene e expansion di virus aki riba nos isla. Nos sa cu esaki no tur ora ta bay mes facil cu ta wordo spera.

Apesar di esaki, nos a bin ta ripara cu den cierto forma ta trata na hunga politica populista cu e fenomeno di Corona-virus, pa asina purba na score politicamente. Tambe, y esaki ta kizas mas tristo ainda, ta uza e situacion di un Corona-virus, pa asina bulldoze varios decisionnan, sea cu esakinan ta na nivel di gobernacion of ta na nivel legislativo den nos Parlamento. Ademá nos por mira cu den e ultimo simannan e "retorica" di cu Aruba ta bay cambia despues di e Covid-19 aki y cu pa esaki ya tin plannan ta wordo traha, sin cu realmente ta wordo treci padilanti kico ta bay cambia y con esakinan ta wordo cambia.

Pa nos cuminsa cu e ultimo aki, nos por mira con den Parlamento, riba un dia, of miho bisa den apenas un 10 ora, a pasa un presupuesto 2020, cu segun gobierno ya no ta uno realistico mas pa e aña aki. E nota di cambio cu a entrega ta papia di un deficit di 1.3 biyon florin. Placa cu no tin y cu nos lo tin di bay presta. Ministernan a pinta un situacion aki na Aruba, apenas un siman cu alarma a wordo bati pa Corona-virus, a base di 3 escenario. Na prome lugar lo mester bay presta placa pa cubri salarionan di esnan cu no lo tin entrada mas, y tambe pa yuda e negoshinan chikito pa por keda draai y paga nan empleadonan. Tambe ta trata e di dos escenario, esta di presta placa pa cubri e fondonan

manera SVB y AZV, pa asina garantiza cu e fondonan aki ta keda duna nan sosten na nos comunidad. Pero sin bisa kico esaki lo nofica pa aseguradonan y e dunadonan di cuida.

E di 3 escenario ta e prestamento di placa pa asina cubri e deficit di operacion di gobierno. Y den e perspectiva aki gobierno su unico argumento ta cu lo mester bay baha gasto di gobernacion y pa cual motibo tambe lo bay na adapta gobernacion na e realidad nobo cu Aruba a drenta aden y tambe pa loke ta spera nos despues di Covid-19. Atrobe sin a bisa kico y con!!! Nos por a sigui un reunion cu no a bay mucho riba e presupuesto mes, sino mas bien a bay riba e Corona-virus. UPP su opinion ta, cu apesar cu nos ta den un situacion di crisis, mas cu nunca e Parlamento "NOBO" mester a trata e presupuesto cu mas seriedad y na un forma debido. Tratamento di presupuesto mester a tuma lugar riba su meritonan, particularmente ora cu gobierno mes ta bisa, cu despues di Covid-19, Aruba lo cambia. Den menos di un siman por bisa cu gobierno tabata tin un bista cuanto placa mester wordo presta, pero no por a duna ningun informacion, plan of vision, con e gobernacion di futuro ta wordo adapta. Parlamento a duna na final di e debate muestra di falta di seriedad ora cu un parlamentario di POR a entrega un mocion riba cortamento di salario pa 3 luna. Su coleganan di coalicion a lague cay manera patia "berde", acusando e parlamentario abiertamente di ta hunga populista. Como reaccion nos a mira dos partido di coalicion, esta MEP y RED, entrega un proposicion di ley encunto e salario di parlamentarionan den tempo di crisis te cu december 2020. Pues henter e asunto di Corona-virus para bira un wega politico den seno di coalicion pa mira ken ta mas populista cu e otro!

E mesun "retorica" aki nos por scuche tanto di banda di gobierno mes, cu hopi papiamento bunita, pero tambe



di banda di e lider di AVP. Den su supuesto "Discurso Nacional" a trata di bin hunga e hereo nacional, mientras cu su gobernacionnan tabata e gran culpabel cu nunca su gobierno no a percura pa "traha dam, warda awe". Al contrario, a scohe pa hoga nos pais den un debe enorme!

Cu Aruba lo cambia despues di Covid-19 ta sigur, pero nos ta spera tambe cu e papiamento bunita di nos politiconan tambe stop. Durante campaña electoral 2017 UPP tabata un di e poco partidonan cu a trata na splica pueblo e realidad di unda nos ta para como pais y cu mester haci sacrificio. Otronan a priminti cielo y tera, y awe ta resulta cu tur cos ta otro y pa corona obra, nos ta meimei di e Corona-virus aki.

E tempo nos dilanti sigur ta bay ta un tempo dificil, pero cu nos ta pidi nos politiconan y nos gobernantenan, pa ta mas sincero y transparente cu e pueblo. Asina so nos pueblo lo sinti su mes comprometido cu e loke gobierno ta pidi'e.

Ainda nos no a papia mes di e rol di Hulanda. Manera cu nos di UPP a bin ta vocifera for di prome cu eleccion pasa, cu ta den un forma UNI so nos lo por enfrenta Hulanda pa asina nan yuda nos. Pero nos mester ta dispuesto tambe pa sacrifica di nos banda dor di bin cu reglanan esticto di Bon Gobernacion y marando asina e man di politiconan. Nos no por permiti e crisis aki ta wordo uza, pa tuma decisionnan cu al final lo no ta na favor di pueblo.





# Parlamentario Endy Croes: Contrato di CITGO no ta uno facil pa compronde A firma cu 3 compania chiquito y laga un otro duna un garantia cu ta un dooie mus

Parlamentario Endy Croes ta continua splikando como Part 2 di un artikel anterior refiriendo na CITGO. Manera ta conosi e Ley pa apodera Minister President, Minister di Financien y Minister di Infrastructura a drenta Parlamento y pronto lo mester wordo trata pa asina legalmente Ministernan por firma e "Termination Agreement" cu CITGO y Aruba tuma rienda bek pa por negosha of sea bini cu ideanan pa e area di Refineria y Terminal.

## Marlon Sneek di AVP no ta compronde e materia:

Berdaderamente esaki ta un materia bastante complica pero ta resalta den comunicadonan di Marlon Sneek Lider di Fraccion di AVP cu e ta carese bastante "knowhow" riba e materia aki. Pa e motibo ey nos lo despena Marlon Sneek su expresion sin sentido y fuera di berdad cu Aruba lo ta regala CITGO 340 miyon florin momento el a lesa di 175 miyon dollar di garantia den e ley y e contrato cu AVP mes a firma. Pero nos ta opta pa duna Marlon Sneek un splikacion talvez un les riba e materia aki.

CITGO Petroleum Corporation a sera Service Agreement cu 3 compania chiquito:

Manera a splika anteriormente cu Gobierno di Aruba a firma contracto cu 3 compania chiquito esta CITGO Aruba Holding, CITGO Aruba Refining N.V. y CITGO Aruba Terminal N.V. y nunca a firma cu e compania (MAMA) CITGO Petroleum Corporation, di cual awe AVP mes ta grita cu ta esun cu tin e plaka. Gobierno a permiti CITGO Petroleum Corporation firma solamente un Service Agreement como manager sin ningun responsabilidad pa cualkier incumplimento di e contract pero legalmente autorisa pa "chika" tur e plaka via management fees halto.

**Grootmoedermaatschappij di (CPC) PVD Holding a duna garantia di 150 miyon**

## US:

Gobierno di AVP a permiti pa e grootmoedermaatschappij di CITGO Petroleum Corporation esta PDV Holding duna un GARANTIA. Con esaki ta hinka de otro? PDV Holding ta (MAMA) di CITGO Holding N.V. y CITGO Holding N.V. ta (MAMA) di CITGO Petroleum N.V. Pues e unico cos cu PDV Holding en realidad tin ta aandelen den CITGO Holding N.V. y CITGO Holding N.V. tambe tin SOLAMENTE aandelen den CITGO Petroleum N.V. Pues finalmente CITGO Petroleum Corporation ta e werkmaatschappij. Momento cu CITGO Petroleum Corporation hasiganashi e "por" duna CITGO Holding dividendo kende na su turno "por" duna PDV Holding (esun cu a para garantia riba papel) dividendo. Pues momento papia di e GARANTIA cual di acuerdo cu e contrato ta bin na vigor momento cu Aruba dicidi si ta desmantela, Aruba mester mester pone beslag riba e aandelen di PVD Holding cu ta resorta den CITGO Holding Inc cual ta un ehersicio hopi complica y un guerra di hopi aña.

## Logico lo tabata ta si a laga CITGO Petroleum Corporation mes para Garantia:

Mas facil y logico lo tabata ta si Gobierno di Mike Eman y Mike de Meza a laga CITGO Petroleum Corporation (CPC), di cual awe nan mes ta bisa cu tin miyones den nan poder, explota e refineria y terminal alaves duna e garantia pa cualkier incumplimento di e contract. Esey ta lokual tur hende di buena boluntad lo a spera di un gobierno decente pero Mike Eman, Mike de Meza y AVP a bay lama cu tres compania chiquito "kale kikkers" y a acepta un garantia cu ta practicamente un "dooie mus".

Mihor solucion awor ta pa jega na acuerdo y exonera PDV Holding di e GARANTIA:



E mihor desicion awor ta pa exonera PDV Holding di su obligacion pa cual el a duna garantia y sali for di e contrato enbes di escoge pa un caminda largisimo, costoso y dificil y despues si gana pa e ora bay pone beslag riba su aandelen. Gobierno di AVP mes a exonera Valero cu su obligacionnan cu ta core den miyones. Marlon Sneek tabata bij e tempo

aya? Lamentablemente por a scucha Marlon Sneek y Mike de Meza grita cu 175 miyon dollar di GARANTIA ta un plaka pa parti entre Friends & Family. No solamente nan no ta compronde locual nan a lesa esta e materia pero e PLACA EY NO TEY. Pesey ta escoge pa exonera enbes di un guerra pa algo cu no tey. PIENSAS EL LADRON QUE TODOS SON DE SU CONDICION!





# UN TOTAL DI 13 PERSONA A KEDA DETENI DURANTE E TDQ DI DIABIerna ANOCHI



Diabierna anochi nos a trece informacion cu 6 persona a wordo deteni den e prome mey ora di e TDQ.

Y segun e anochi a continua a bin topa un aki y un

aya, yegando un total di 13.

Ta wordo pensa cu kizas ta weekend y tin hende cu ainda no ta realiza cu tin un TDQ na vigor, y cu e tin su leynan estricto cune.

Na varios ocasion durante e anochinan di rueda di prensa di Gobierno, comisario suplente Vanessa Kock y tambe Fiscal Pronk ta

splica con un TDQ ta hinca den otro.

Pero asina mes tin un grupo chikito cu no ta compronde. Y lo hayanan cera henter anochi y cu un

boet di mil florin colgando ariba nan cabes.

Lo sigui monitor e weekend.

## ANTISOCIALNAN A CENDE POST DI SECURITY NA CITGO NA CANDELA



San Nicolas/Staringstraat - Diabierna anochi algo pasa di 8:30 informacion a drenta di un candela na un gate di Citgo, cu ta cerca di Lago Heights Park. A resulta cu desconocinan a cende e cuarto di Security na candela.

Segun nos ta trata di gate number #10.

Mesora Brandweer a yega na e sitio pa asina paga e

candela.

Patruxa na e sitio a pidi pa tanto recherche y bfto(polis tecnico), mirando cu lo ta trata algo intencional.

Caminda tambe a wordo cera pa Brandweer por a traha tranquil, asina evitando aglomeracion di hende cu tawata bayendo nan cas debi cu g'or e TDQ ta cuminsa.

## NOS SNACKS DI DOCHI LEE

LO HABRI BEK  
DIALUNA 6 APRIL

PA CUMINDA Y SNACKS

DI 6:00 AM PA 1:30 PM  
CUMINDA PA AFL 10,00

PA PEDIDO YAMA  
**585-2585**

Y HACI BO ORDER.





**YAMA  
131  
GRATIS**



**Telefon pa Hubentud**

## MUNDO A REGISTRA UN HONRADA DI 82 MIL INFECTADO NOBO Y 5700 MORTO DOOR DI COVID-19

Riba escala global, 57981 persona a fayece y 82.061 a infecta cu e novel coronavirus den e ultimo 24 oranan, e Organizacion Mundial di Salud (WHO) a informa diadomingo.

Asina, pa dia 5 di april, e cantidad total di casonan positivo di covid-19 rond mundo a subi na

1.133.758., mientras cu un total di 62.784 pashent no a logra supera e enfermedad.

Segun e organismo internacional, mayoria di e casonan di contagio confirma (621.407) ta concentra den e region Europeo, unda cu a registra casi e 55% di e total di infecta-



## NA UN "GALLERO" DEN BUSHIRI POLIS A PURBA INTERCEPTA UN AGLOMERASHON DI HENDE PERO ESAKINAN A BAY SCONDE PADEN



Diadomingo marduga patruya di polis riba caya a tuma nota di hopi desordo den barrio di Bushiri, a pidi versterking na es sitio ya cu tabata zona manera cu hendenan lo ta hungando domino cu musica duro tocando. Na yegada di mas patruya e hendenan hungando domino lo a core bay paden y sera tur porta pa evita detencion.

## POLIS A INTERMEDIA NA UN PROBLEMA ENTRE PAREHA NA PALO DI LECHISTRAAT PERO LO POR SPERA MAS PROBLEMA



Diadomingo merdia a drenta informe di un problema den Palo di Lechistraat, mesora a dirigi un patruya na e sitio.

Na yegada a intermedia te unda cu tabata por papiando cu e dama pero lo por spera mas problema.

**WASTE HANDLING  
CLEANING SERVICES**

**SCEPTIC TANK  
(7 CUBE)**

**PRIJS SPECIAL  
AWG 75,-**



**YAMANOS NA:  
560 3500 OF 563 4201**



# SEIS PERSONA DETENI, DEN E PROME 25 MINUUTNAN DI TDQ DIABIerna ANOCHI



Oranjestad - Diabierna anochi algun minuut pasa di 9'or detencion a cuminsa cay. Prome cu 9:30 un total di 6 persona a wordo deteni, den careda di 10 a bin mas acerca.

E prome detencion tawata den Palo di Lechistraat.

Pariba di brug tambe, altura di Elmar San Nicolas, Brazil, Tarabana, Sero Biento, Solito.

Pues posiblemente door cu ta weekend tin hende lo

ta pensa otro y nan detencion a causa nan libertada pa e resto di diabierna anochi.

Nan lo wordo hinca den cel te 8'or di mainta, esaki sin conta cu e boet stipula di TDQ cu tambe nan lo ricibi.

## BBQ DI NESTOR

Siribana 45a na "Sia Cruz"

BBQ MIX	15.00
BBQ GALINJA	15.00
BBQ LOIN RIBS	16.00
BBQ SPECIAL	30.00
LOMITO	20.00
PINCHO	4.00
PIDA LOMITO	8.00
PIA GALINJA	5.00
PIDA LOIN RIBS	6.00
CHORISO	4.00
AROS CON POLLO	3.00
SALADA EXTRA	3.00
MOOCHI PISCA	20.00



7497071 OF 5690131

Liña di telefon pa 60+

280-0505

GRATIS

Mainta: 8or - 12or Atardi/anochi: 4or - 8or

BAN COMBERSA Y NO PREOCUPA





# NA UN ADRESS NA MOKO POLISNAN RIBA CAYA A DETENE UN PERSONA PARA PAFOR DI SU PORTA DI CAS



Diadomingo marduga polisnan den bario di Moko a tuma nota di un homber para pafor di su porta di cas, mesora a bay over na detene. A menasa otro persona den e cas tambe cu tabat para na

e porta di cas pa e keda paden sino e tambe lo keda deteni. A pidi presencia di e van di C.E.A. pa asina por a transporte pa warda di polis pa e ricibi su boet pa viola "TdQ".



**CLASIFICADO**

Tipline: 585 9500

## TIPS

# INFORMATIVO

## COVID-19 Virus | PARTI 1

1. Ora bo caba di laba bo man, habri e porta cu bo elleboog. Si bo habri e porta cu bo man limpi cu bo a caba di laba, esaki ta tanto bal bo a lab'e. Awo realidad ta cu mayoria di cas tin man di porta estilo di un 'deurknop' e ora uza un napkins/pida papel di wc pa bo habri esaki.
2. Mescos ta conta pa ora cu bo ta flush un wc. E handle ey ta un fuente di bacteria, door cu bo ta limpia bo curpa ora bo caba di orina y/of a bay af y ta flush e w.c. prome cu laba man. Nos ta recomenda tur hende pa uza un pida papel pa flush e w.c., tira e papel afo y despues laba bo man.
3. Huña largo ta bunita, specialmente esunnan haci cu acrylic, cu ta hopi 'in' awendia. Esaki ta nos enemigo number uno cu ta canando cu nos. Tur estudiante den enfermeria ta siña durante nan studio, cu NO ta permiti pa tin huña largo den nos profesion. Nos ta recomenda tur hende pa den e crisis aki mantene bo huña cortico pa ora bo laba bo man, e habon por yega bou di bo huña tambe.
4. Pa e tempo nos dilanti, NO uza niun joyas na bo man. Dus niun renchi, armband ni holoshi, Tur esakinan ta caminda cu e virus ta keda biba, bou di nan habon no ta yega y juist eybou e virus por sigui biba y abo ta sigui plama esaki.
5. Den nos trabou nos no mag di traha cu cabey habri. Nos ta recomenda tur hende pa wanta nan cabey na halto, cera of vlecht esaki. Nos tin e mal custumber pa keda pasa man den nos cabey. E virus ta keda eynan y ora bo sali den biento cu esaki bula bo cabey, e por pasa den bo wowo.
6. Nos ta recomenda tur hende, specialmente nos hobennan, pa no uza earplugs den e dianan aki. Den bo horea tambe tin 'slijmvlies' cu e virus por dreña den bo curpa.
7. No mishi bo cara, esey ta un 'challenge' hopi grandi.
8. Tur e recomendacionnan aki ta conta pa mucha tambe. Pa mucha nos ta agrega pa no hinca dede koba den nanishi. Ta bisa mucha, pero hopi hende grandi tambe ta haci esaki.
9. Bisti paña un biaha so. Laba esaki y seca nan den dryer of laga nan colga pafo den solo. E virus no ta sobrevivi den solo. Laga nos uza esaki.
10. Ora di kita bo T-shirt, polo-shirt of un blusa cera, dus uno cu no tin boton y/of ta habri dilanti. Hise e parti dilanti for di bo curpa, his'e ariba, saca bo cabes sin cu e paña ta mishi bo cara. No kita esakinan di abou bay ariba, pa sac'e for di bo cabes. E manera aki bo ta frega tur e virus cu tin riba bo paña, den bo cara bay ariba, y de ful bo cabey. Tur bo parti ariba di bo curpa lo keda contamina.

Presenta pa:

**ODEA**  
ORGANISACION DI ENFERMERONAN DI ARUBA







# NA SEROE LOPEZ POLISNAN A DETENE UN HOMBER RIBA CAYA VIOLANDO "TDQ"



## TIPS

# INFORMATIVO

## COVID-19 Virus | PARTI 2

11. Pa esnan cu ta bisti bril. Ahusta e pianan di bril pa bo no mester keda hisa/mishi cu esaki. Chens ta grandi cu bo ta mishi cu bo wowo.
12. Ultimo dia ta circula hopi 'voice note' y diferente investigacion, pa no drenta cu sapato den bo cas y laga esaki pafo den solo. Nos ta recomenda pa pone un mat pafo, spuit esaki cu awa y habon y lag'e den solo. Laga nos uza solo cu ta nos fabor.
13. Ora di usa un 'handsanitizer' of e boterman di spray, practica e mesun principio di habri porta. E handle di e handsanitizer y e handle pa primi e spray, tur ta contamina ora nos bay uz'e. Ta cu e man sushi/contamina nos ta primi esaki. Limpia esakinan tambe regularmente.
14. Si bo tin un persona den cuarentena of isola den bo cas, mantene su 'bestek' (cuchiu cu forki, cuchara, beker, tayo) separa y laba esaki den un baki separa. Yena e baki cu awa y habon. Pone e bestek soak pa 5-10 minuut den e awa cu habon, despues laba y seca esakinan. Habon ta suficiente pa mata e virus.
15. Nos ta recomenda pa uza papel pa seca tur cos: man, bestek, etc. Serbete ta un fuente pa cualkier bacteria multiplica.
16. Si bo cas no tin un baño/wc separa. Laga tur hende baña prome y e persona contagia baña ultimo. Desinfecta e baño ora e caba di uza esaki.
17. Ta recommenda pa un persona cu mester isola su mes, pa e keda den un camber bon ventila, enbes di un camber henter dia cu aircocendi.
18. Den caso cu ta uza un handschoen, siña kita esaki na e manera adecua, sin contamina bo mes y ni esun cu ta bay tira e sushi afo. Pinch e handschoen na e parti pafo, kita esaki, lor'e den bo otro man cu tin handschoen y despues hinca bo dede parti paden di e hadschoen, lora esaki hunto y tir'e afo den un saco cera, manera un ziplock.
19. Ora ta bisti un mask tambe, mester kita esaki di patras bin dilanti. Dobla e parti sushi paden prome y despues tir'e afo. Laga nos proteha tur esnan cu ta piki sushi na cas, pa nan no wordo contamina tambe, pues tira tur desperdicio contamina den un saco di sushi dobel y bon cera.

Presenta pa:



**ODEA**  
ORGANISACION DI ENFERMERONAN DI ARUBA



Diadomingo marduga patruya atento den e barrio di Seroe Lopez a tuma nota di un persona riba caya, mesora a bay over na detene. A pidi van di transport di C.E.A. pa asina por a hibe warda di polis unda cu e lo ricibi su boet pa viola "Toque de Queda"



## Asadero San Cristobal na Sta Cruz Tur merdia cuminda cayente...



Pica Pollo - Medio Pollo y  
hopi cuminda mas

PA PEDIDOS  
Tel. 566-0319  
Whatsapp Cel. 566-0319

**Habri te nochi..**





# Alcoholismo: Causa y Consecuencianan

Alcoholismo ta wordo defini como un consumo excesivo di alcohol, unda cu ta perde control riba su consumo.

Eta wordo caracterisadoor di episodionan frecuente di intoxicacion etelico. Ademas, den alcoholismo ta existi un obsesion pa alcohol, apesar di e consecuencianan.

Di su parti, e Organizacion Mundial di Salud (WHO), ta defini'e como: tur forma di embriagues cu ta excede e consumo alimenticio tradicional y coriente of cu ta sobrepasa e limitenan di custumbenan social.

Alcoholismo ta produci 3 miyon di morto pa aña na mundo. Ademas, e ta causante di varios patologia, entre esnan cu ta destaca cirrosis hepatico.

Di e mesunmanera, ta existi un relacion importante entre un serie di trastorno mental cu alcohol.

Pa tur esaki, den e articulo aki nos lo splicabo e causanan di alcoholismo y su consecuencianan.

**Importancia di alcoholismo**  
Alcoholismo ta un enfermedad cronico, es decir, un adiccion permanente. E no ta nifica cu bo no por trat'e cu éxito e adiccion, si no cu e ta algo cu mester controla di manera continuo.

Ademas, e ta wordo considera un patologia progresivo y degenerativo. E tin numero repercusion tanto riba salud como den bida social.

Mester destaca cu den adolescencia, alcohol ta genera ainda mas hopi daño y adiccion cu den e edad adulto.

E tratamiento di alcoholismo ta complica. E prome paso ta cu e persona



ta reconoce e problema. Pa super'e, ta fundamental pa e personanan yega apoye y participa den e terapianan.

**Cua ta e causanan di alcoholismo?**

Parce cu cierto factornan genetico ta hunga un papel importante den alcoholismo. Es mas ta wordo calcula cu si bo mayor of rumannan ta alcoholico, e ta tres biaha mas probabel cu bo converti den alcoholico.

Pero esaki tampoco ta nifica cu bo ta bay sufri di dje cu siguridad. Ta existi numero factornan cu por influi, manera por ehempel:

- Ta un presona cu autoestima abao.
- Sufri otro trastornonan mental manera depresion. Tambe ta determinante personanan cu hopi stress of ansiedad.
- E factornan social. Alcoholismo ta hopi determina pa cultura y e sociedad den cual ta biba aden. E accesibilidad na bebidanan alcoholico of e aceptacion cultural ta inchui notablemente.
- E tipo di trabao. Ta

un hecho cu personanan cu ta traha den pubs y barnan nocturno, tin e mayor probabilidad di sufri di dje.

- E hecho cu e consumo ta wordo sosteni tambe ta un factor di predisposicion.

**Indicacionnan di un problema cu alcohol**  
Den nos sociedad, bebe alcohol ta un conducta hopi acepta. P'esey ta resulta complica sa cuanto ta trata di un situacion patologico.

Sin embargo, ta existi cierto patronchinan cu por indica cu ta trata di un problema di adiccion.

Por ehempel sconde di a bebe of gaña riba e cantidad di alcohol consumi.

Tambe keda sin cumpli cu e responsabilidadnan of disminui e rendimiento den trabao.

Di e mesun manera, nos mester alarama cu e persona ta bebe su so of den condicionnan ariesga. Di un otro banda nos por destaca sintomanan fisico manera cambio den peso, dolor di cabes y alteracion di habla.

E memoria y

concentracion tambe ta wordo afecta. Un persona cu ta sufri di alcoholismo por hasta ta mas iritabel y agresivo.

**Ki consecuencia alcohol tin?**

Maner nos a menciona, alcohol ta produci daño na nivel fisico, intelectual y social. E consumo di bebidanan alcoholico ta relaciona cu enfermedadnan di e sistema nervioso, cardiovascular, digestivo, etcetera.

Delirium tremens ta un episodio agudo di delirio causa pa e sindrome di abstinencia di alcohol. E ta produci tambe efectonan fisico manera palpitacion, calafriu y convulsion.

Si no trat'e e por causa morto. Alcoholismo ta afecta cu frecuencia e habla y coordinacion. Manera cu sa, mayoria di e accidentenan di trafico ta wordo causa pa un estado di embriagues.

Esey ta produci un parti pasobra bao di e influencia di alcohol, e persona ta desinhibi y adopta comportacionnan peligroso.

Di un otro banda, nos

mester destaca cu un gran porcentahe di enfermedadnan hepatico ta debi na alcoholismo.

Esaki ta debi cu alcohol ta aumenta e vet presente den e higr. Di e forma aki e ta produci inflamacion y cu tempo, un cirrosis di e tehido hepatico.

Gastritis y ulcera, como tambe cierto deficitnan vitaminico, ta otro consecuencia grave. Ademas por afecta e actividad sexual, bista, circulacion, etc.

**Concluyendo**  
Alcoholismo ta un patologia cu incidencia halto den actualidad. Manera cu nos a wak, su consecuencianan ta engloba for di aspectonan social te na problemanan





Parlamentario Endy Croes:

# AVP KIER JORA AWE RIBA CONTACT CITGO?

## AVP a comete un error graval den artikel 9 asumiendo tur daño medio ambiental

Parlamentario Endy Croes ta lamenta masha hopi e politica baho cu AVP ta hungando den temponan dificil di crisis alrespecto Citgo.

Tempo pa Uni y para banda di Aruba:

Segun Parlamentario Endy Croes e momentonan aki ta e momento husto y corecto pa tur Arubiano y tur nos rumannan biba na Aruba pa brasa otro y pone tur nanishinan den mesun direccion pa nos por logra pronto saca Aruba bek for di e situacion di crisis aki. No ta momento pa ta negativo pero ta e momento pa harmonisa y laga positivismo briya for di nos y sigur pa ta solidario cu otro. Pesey Parlamentario Endy Croes ta hasi peticion riba oposicion pa sostene e ley den Parlamento pa apodera Ministernan pa por firma y kibra e contracto cu Citgo.

AVP a comete un error graval asumiendo tur daño ambiental desde Lago:

Parlamentario Endy Croes ta splika cu de e reunion proximo unda lo trata e Termination Agreement lo apodera e Ministernan pa kibra e contracto aki. Lo ilustra den e debate aki diferente artikel den e contracto di CITGO cual a resulta di ta hopi malo y desfavorabel pa pais Aruba. Pueblo tin derecho di sa kiko a tuma lugar. Lamentablemente cu ta awor apenas nos por prueba con AVP a firma un contracto tumando tur e dañonan ambiental y terenonan contamina desde tempo di Lago, Coastal, El Paso, Valero y Wickland Oil bou responsabilidad di Pais Aruba exonerando tur e companianan aki di tur daño ambiental pa casi un siglo. Asina a firma e Definitive Participation Agreement cu CITGO regalando CITGO un free ride. CITGO ta bira responsabel solamente desde cu el a tuma over 10 di Juni 2016 enadelante y lokual a pasa promer

cu e tereno nan Aruba tinie den su scochi awor. Parlamentario Endy Croes ta haña esaki un capitulo hopi scur den historia di nos pais cu a wordo scondi pa pueblo. Parlamentario Croes ta bisa cu ta imposibel cu ambientalistanan por tabata na altura di esaki pero en toda caso awor nos tur sa.

Parlamentario Endy Croes ta considera artikel 9 mescos "Gato den Saco"

Art. 9 Pre existing environmental liabilities, conditions, and or issues caused by Previous Owner -Operator. Pues e titulo aki ta papia di problemanan y responsabilidadnan ambiental pre-existente causa pa doño y operador nan anterior. ( Lago, Coastal, El Paso, Valero y Wicklandoil).

Aunke e contracto ta uno hopi elabora nos ta kere ta husto pa pueblo conose e berdad. Den mesun artikel 9 ( Exhibit 9.1.1B) Parlamentario Endy Croes lo muestra klaramente con AVP mediante AVP a firma e contracto aki tumando tur e daño ambiental y terenonan contamina desde Lago bin ariba pa Pais Aruba y a sconde e parti aki pa pueblo. E artikel den e contracto definitivo ta bisa textualmente lo siguiente " RDA, the Government and the other Government Parties will be jointly and severally liable for for and shall indemnify, defend and hold harmless the Investor Parties ( CITGO) and their respective Affiliates for any and all Third Party Liabilities arising or resulting from or relating to any Pre Existing Environmental Conditions all as further provided in the implementing Agreements and the Investor and its Affiliates SHALL NOT, NOW OR IN THE FUTURE, be liable for ANY PRE EXISTING Environmental Conditions." Esaki ta



"gato den saco". Aruba a asumi aki un reponsabilidad miyonario cu Aruba nunca mas lo por cumpli cune. Parlamentario Endy Croes ta pidi pueblo keda pendiente pa e reunion publico cu lo mester wordo jama den simannan nos dilanti. Un persona ta grandi momento e reconose su error. Pesey Parlamentario Croes ta pidi AVP para banda di Pueblo den e momentonan mas cu pueblo tin mester di esaki y sostene e ley pa apodera Ministernan pa kibra dicho contract y ohala den futuro cercano un operador nobo por renoba y maneha e terminal creando cupo di trabou y entrada pa pais Aruba primordialmente cu actualmente rond mundo tin scarsedad den storage.

**DELIVERY FREE**

**PEDIDO**  
TEL: 5684160

**TA BENDE AWA DI COCO FRESCO**  
ZETA DI COCO - COCADA - LEMON JUICE  
TAMARIJN - ORANGE JUICE - SORSACA  
ALOE VERA JUICE

TA BENDE NAN 1.5 LITER OF NA 20 ONS DEN BOTTER.

**WASTE HANDLING  
CLEANING SERVICES**

10FT  
20FT  
30FT

**PRIJS DI BAKI:**  
150-175-200-250

\*PRIJS TA DEPENDE DI KI TIPO DI SUSHI

**YAMANOS NA:**  
560 3500 OF 563 4201





# TA POSPONE PELEA PA PESO PISA DI BOXEO ENTRE JOSHUA Y PULEV

E pelea pa e titulo mundial di peso pisa entre e Britanico Anthony Joshua y e retador Bulgaro Kubrat Pulev, originalmente programa pa dia 20 di juni, a wordo posponi, segun e promotornan di e cobate a bisa diabierna.

E defensa di Joshua di su titulon di FIB, AMB, OMB y OIB lo tuma luga dne e stadion di Tottenham Hotspur, pero e pandemia di coronavirus a para e deporte mundial y no tin eventonan programa na Reino Uni.

"Actualmente e ta trahando den un fecha nobo pa e evento," e firma Matchroom Boxing a bisa den un comunicado.

"Nos lo anuncia e novedadnan na su debido tempo y lo sigui studia e posibilidad di organisa e pelea aki den e stadion di Tottenham Hotspur."



## Mbappe ta supera Messi como e futbolista cu miho desempeñu riba veld


Pa hopi, Lionel Messi ta considera como e miho futbolista di mundo, un "rankin" cu ta evalua e desempeñu di e deportistanan riba veld, no ta ubica e Argentino riba e prome luga y na su luga ta destaca e Frances Kylian Mbappe, segun e centro investigador CIES Football Observatory.

Messi ta ocupa di nueve posicion riba e lista di clasificacion di e ultimo seis lunanan, cu 88,1 punto riba 100, mientras cu e delantero di Paris Saint Germain ta posiciona como e number uno, cu un cualificacion di 91.

Na di dos y di tres luga ta aparece Marco Verratti y Presnel Kimpembe, ambos hungado di e mesun club Frances.

Tin cu destaca cu cinco di e prome dies clasificadonan riba e lista ta pertenece na Paris Saint-Germain.

Hopi di e streanan grandi



di e deporte rey no ta entre e prome luganan di e tabla aki. Fuera di e "top ten" ta aparece e Egipcio Mohamed Salah, riba posicion number 14, sigui pa e Portugues Cristiano Ronaldo, mientras cu Luis Suarez ta ocupa e di 16 posicion.

E tabla di cualificacion ta basa riba un estudio cu ta midi e recuperacionnan di bala, tactico, creacion di oportunidadnan di gol, tiro y desempeñu den e wega, e website FCBN ta splica.

E analisis aki ta tene na cuenta e productividad y e eficiencia di e hungadonan riba veld tanto na nivel individual como colectivo.

## FOR SALE

**Jeep wrangler**  
**2007** 4by4 std.  
17500 fl.



**POR YAMA**  
**CEL. 5694343**

**Xtrail 2017 24km**

Top condition good as new. 35000 fl  
call 5694343



**Mitsubishi outlander 2017 .**

Automatic airco. Ganga 22000 fl so barata



call  
5694343  
pa test drive.



# Sopi di Letranan

L L E Ñ V A U S L M A P S S P L V L W X  
H P G V Z N I S A T O N E D K C O L B P  
N J J O I R A T A N I T S E D W U A S C  
F V Q D R E M I T E N T E T A G U S B A  
C C Q F Y R L H Z M A K Q E W E J W Z R  
Z O O I Y D S O F T W A R E D V P K L P  
H T E K I Y P R S S O I R O S E C C A E  
U N A V E G A D O R D L Y A P D E I C T  
D U A Q T T N I Q M A L G Z S H D N R A  
V S K I N E J A S N E M D O X A X T J S  
R A B U S P Q N P Y I K V O P R P E I A  
L G J G Z Z L R F N N I B D W D Z R V D  
P D U A X H O Z I U T N R O V W F N K L  
A M Y J O G H C J I I O T S R A I E O C  
Z T F A R D I U S A W W R N C R G T R E  
T Y M A J O F O K N C V J V I E I V I I  
Ñ I M Y R A P A I F A R G O N A C E M Ñ  
Q A B S P S W V I O E R R O C Ñ P T D E  
S Ñ A C I T A M R O F N I A R M J X K S  
Q P U D H H L W U O X U M Z H L L O Ñ H

ACCESORIOS  
ADJUNTAR  
ASUNTO  
BLOCK DE NOTAS  
CARPETAS  
CORREO  
DESTINATARIO  
DISPOSITIVOS  
DRAFT  
HARDWARE  
INBOX  
INFORMATICA  
INICIO  
INTERNET  
JUNK  
MECANOGRAFIA  
MENSAJE  
NAVEGADOR  
PAINT  
PROGRAMAS  
REMITENTE  
SEND  
SOFTWARE  
SPAM  
USB  
WORDPAD

D A D I T S E N O H G G B G S S R A A H  
A K B G D S D A D I N G I D M O V M F U  
M B O Y W S R Y B P P B A P Z L Q O E E  
I C T Q L D E E Q U I D A D Q I J R C I  
S Q O U U I Q V O O S Z V B W D C F T J  
T V C N Z S K C D T O O G O L A I D O J  
A J C S V C N N P Q E A D I X R O A H W  
D A D I L I B A S N O P S E R I D S R A  
H C B E D P V U O A Z L S M T D A E C I  
S I X W X L B E T J I E K E A A T R S C  
M M S P C I C L N U A L T D R D R T R N  
D L R M D N P V A C A B I W G B E I I A  
W E H Y U A T V A U I R A M X D B V L R  
A A I C I T S U J L E A C R A I I I D E  
V L G X W R V D O C O U R C T F L D G L  
Q T T I A U O B N D T R D Y Q S E A N O  
X A T H G G S I I I P S E E M O U D C T  
A D V C C Q S C X T C D B S Y O I Z F D

AFFECTO  
AMISTAD  
AMOR  
ASERTIVIDAD  
CONVIVENCIA  
DIALOGO  
DIGNIDAD  
DISCIPLINA  
EQUIDAD  
FAMILIA  
HONESTIDAD  
JUSTICIA  
LEALTAD  
LIBERTAD  
PAZ  
RESPECTO  
RESPONSABILIDAD  
SINCERIDAD  
SOLIDARIDAD  
TOLERANCIA  
TRABAJO  
VALORES

## PRONOSTICO DI TEMPO VALI- DO TE DIALUNA 06 DI APRIL 2020, 18:00 ORA.

COMPILA:

DIADOMINGO 05 DI APRIL 2020 17:00 (21:00 UTC)

TEMPO:

AWE ANOCHI: PARCIALMENTE TE HOPI NUBLA I

GENERALMENTE SECO

DEN MARDUGA I MAYAN: PARSIALMENTE TE HOPI  
NUBLA SIN

AWACERO DI IMPORTANCIA

TEMPERATURA MAXIMO 32 GRADO CELSIUS

TEMPERATURA MINIMO 27 GRADO CELSIUS

BAHADA DI SOLO : 6:51 PM

SUBIDA DI SOLO : 6:33 AM.

BIENTO:

FOR DI DIRECCION GENERALMENTE OOST I MODERA  
TE BASTA FUERTE;

FORSA 4 TE 5 (20 TE 39 KM/ORA, 11 TE 21 NUDO).

DEN DIA FUERTE TE DURO DEN RAFAGA;

FORSA 6 TE 7 (40 TE 61 KM/OR, 22 TE 33 NUDO)

SITUACION GENERAL DI TEMPO PA PROXIMO 24 ORA:  
NO TA SPERA CAMBIONAN SIGNIFICANTE DEN E TIPO  
DI WEER CU

TIN ACTUALMENTE. PA E MOTIBO AKI NO TA SPERA  
YOBIDA DI

IMPORTANCIA I WEER GENERALMENTE SECO LO  
DOMINA.

CONDICIONAN MARITIMO/ ESTADO DI LAMA:

UN ESTADO DI LAMA MODERA TE LOCALMENTE

POCO BRUTO NA PARTINAN OOST

TE NOORDWEST, TA WORDU SPERA PA PROXIMO 24  
ORA. OLANAN TA FOR DI

DIRECCION NOORDOOST CU HALTURA DI 3 TE 6 PIA  
LOCALMENTE. NA E

PARTINAN OOST TE NOORDWEST POR SPERA E OLA-  
NAN DI MAS HALTO.

AVISO/ ALERTA:

TA SUGERI OPERADORNAN DI BOTO CHIKITO PA BAI  
CU CAUTELA NA E

PARTINAN OOST TE NOORDWEST DI COSTA YA CU  
LABADERANAN MODERA

FOR DI NOORD LO POR HASI LAMA LOCALMENTE  
POCO BRUTO NA E

PARTINAN DI COSTA MENCIONA. E LABADERANAN  
LO CUMINSA BAH

DURANTE DI AWE NOCHI LAAT PA DIALUNA.

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA: ME-  
NOS DI 1 MM;

LOCALMENTE ESAKI POR VARIA.

REGISTRACION DI TEMPERATURA (GRADO CELSIUS)  
Y AWACERO (MM)

DEN ULTIMO 24 ORA:

AIRPORT : MAX 32 / MIN 27 / 0.0 MM

WESTPUNT: MAX 32 / MIN 28 / 0.0 MM

STA ROSA: MAX 33 / MIN 28 / 0.0 MM

PRONOSTICO DI TEMPO PA PROXIMO 3 DIANAN:  
PARCIALMENTE NUBLA I GENERALMENTE SECO.

BIENTO LO TA FOR DI DIRECCION OOST- NOOR-  
DOOST,

MODERA TE BASTA FUERTE; FUERTE TE DURO DEN  
RAFAGA;

TEMPERATURA ( GRADO CELSIUS) MAX / MIN LO TA:  
32 / 27



# SERVICIO Y COMPRA



**Santa Cruz  
BARBERSHOP**  
Mon-Fri: 8AM-9PM • Sun: 9AM-6PM  
T1.600-6673 • T2.592-1880

## Cilantro's Grill Menu

*Breakfast - Lunch - Dinner*

**CUMINDA CRIYO**  
*Sopi di Dia Special*  
*Pa Pedidos: 594 0635*



**Maduro Heavy Equipment N.V.**

**Nos tin servicio di BOBCAT**

Pa tur tipo di santo, piedra y graniet  
Pa trabao di rosamento y cobamento  
di fundeshi of Pos

*Tin special riba diarazon*

Rooi Bosal 49

**Tel: 5851708/5943207/5931608**

POWERLIFTING • BODYBUILDING

## WARRIORHOUSE

GYM



Situa na  
**Santa Cruz 266**  
Tel: 566-4478

## TA FURA

Orange Matrassen Fabriek

**30% Y 40 %**  
di descuento riba cashi paña  
y cashi television.  
Matras y Box  
Busca mainta y haye atardi.  
Set di sala, comedor etc.  
**Tel: 588-7468 / 593-4387**

## Electricidad

Tambe ta hasi trabow di  
metsla, carpinte, coriente,  
verf, hasi cura limpi, plummig,  
welder y kap mata

**yama 560-8568**



**PA TAXATIE DI CAS  
Y PROPIEDAD**  
TUMA CONTACTO CU

## CERA ARUBA

**TEL: 561 5643**

Abona na **SOLO** *De Pueblo* awor!

Yama 585-9500 of  
e-mail nos na [solodipueblo@gmail.com](mailto:solodipueblo@gmail.com)  
Tur marduga nos ta entrege den bo porta di cas!  
Noticia cayente, ta aki bo ta haye!



## Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

## Con pa fabrica un mask na cas den 45 seconde: Un ciruhano di Merca ta splica paso a paso



Aunke distanciamiento social ta sigui ta e remedi di mas eficiente contra e propagacion di coronavirus, e Centronan pa control y prevencion di Malesa (CDC) di Merca tambe ta recomenda e uzo di protectornan facial "pa proteha esnan mas vulnerabel."

Pero prome cu pura pa adkiri e masknan medico of kirurgico schaaars aki cu e trahadonan di Sanidad tin mester, e organismo ta sugeri un opcion alternativo: traha un mask sanitario a cas.

CDC a comparti un video caminda cu e ciruhano general, Jerome Adams ta muestra, paso pa paso, con facil ta resulta pa traha bo mes un mask efectivo.

Solamente tin mester di un tela - por uza un sjaal, un handdoek of hasta un flanel bieu - dos lastiek y 45 seconde.

CDC a cambia su posicion respecto e uzo di mask como medio di protecicon fronte covid-19 y cu diferencia di e Organizacion Mundial di Salud (WHO), awo ta recomeda pa uza cubiertan facial di tela den tienda, botica y e luganan publico unda ta dificil pa mantene distanciamiento social.

Na e mesun momento, e

organismo ta señala cu esaki no ta atañe e masknan kirurgico of respiradornan N95, cu "ta suministronan critico cu mester sigui ta reserva na e trahadonan di salud."

WHO di su parti, ta considera cu "e masknan kirurgico no necesariamente ta proteha y por duna un sensacion falso di seguridad", pa cual ta conseha uza nan solamente esnan cu ta presenta sintomanan, personal medico y esnan cu ta cuida e infectadonan.

## TA BENDE



## HOTFOOD STATION

Di 110V 4meter Largo y 1 meter Hanco

Pa afl 2000,00 or best offer

Pa mas info yama

**593-1865 of 593-2775**



**SOLO**  
Di Pueblo

BRIYANDO FUERTE • TRECIENDO CLARIDAD

**Tipline: 585 9500**  
e-mial: [solodipueblo@gmail.com](mailto:solodipueblo@gmail.com)





9			7	4				1
	3	8	9				4	
		1			3	8	9	
		2					1	5
3				5				9
7	5					3		
	9	3	6			1		
	2				5	6	8	
8				3	7			2

4		5		7				3
			9	2		5		
	9	7	3			4		2
						7	5	
5	1			9			3	8
	8	4						
8		9			6	2	7	
		1		8	9			
3				4		8		9

	6		8			2		
				4	9			8
1		9		2		4		
	3		2		6			5
	4	6				3	7	
8			4		1		2	
		8		9		1		3
5			1	6				
		4			8		6	

		3	5	9	6	7		
	9			7			5	
			2		4			
		7	4		8	9		
	3	4		1		6	2	
		2	3		5	4		
			8		2			
	5			3			4	
		1	6	5	9	3		

		3			8	5		
5			3				9	
				9	4		3	7
7								4
1	3		6	8	5		2	9
6								5
9	4		8	5				
	2				6			1
		6	4			9		

7		1						4
	2	9	7	1			3	
				2			1	9
			3		9		6	
	3	5		4		9	7	
	9		1		2			
1	8			9				
	5			8	3	1	4	
3						8		2



# BUSCA DIOS PROME CU TUR COS

Pueblo di Aruba ban purba di no drenta den panico pa motibo di Corona Virus.

Ban ta mas consiente kiko realmente nos desea pa Aruba.

Prome cu tur cos nos mes-ter acerca mas na Dios ii confia

den Dios alabando i busca su yudansa den orashon.

Aki por encontra cu e ayu-do oportuno di nos ruego-nan.

Corda cu Dios ta semper cerca di su yiunan pa scu-cha nan

clamor di miedo ,stress i falta di paz interior.

Tin algun incredulo sin Fe cu ta puntra :

Unda Dios ta den e crisis di e peste Coronavirus cu

nos ta bibando aden.

E contesta ta : Dios ta sin-ta den su trono di Gracia, como

Rey di cielo i di tera.

Kiko mester hasi ? wel, awo ta tempo pa ta mas cerca di

Dios.

Con ? Confia den Dios i sin miedo teniendo paz in-terno.

E expreshon di confia den Dios ta : UN ACTO DI FE.

Mira su creashon tur dia : den e amanecer te na ano-cher.

Ta un clamor di Dios pa muestra cu nos tin bida pa enfrenta

tur problema con grandi cu e por ta.

Cuarentena ta 40 dia cor-da con Jesus a wordo tenta pa

satanas 40 dia. Lucas 4:2

Tambe por corda e storia di Noe unda e mundo ta-bata full

bruha di maldad i tentashon unda loke ta malo ta bon i loke

ta bon ta malo.

Apesar di tur cos tin Spe-ransa .

Por mira con hopi hende ta buscando un refugio cerca Dios.

Tur dia den cas ta compa-rti tempo cu famia : AMOR

Hopi ta creciendo spiri-tualmente den alabansa i adorashon

den cada respirashon cu nos ta hanja regalo.

Respirashon ta unda e Co-rona Virus kier ataca e ser humano

pa caba cu e Creashon Di-vino di nos Tata Celestial pa tin e

mundo den su poder.

Ban ta mas cerca di Dios cu Fe i Confiansa sin Duda i Dios su

Gracia Infinito lo protega Su Universo.

Dios ta den control no teme pero kere.

Salmo 150:6 , Hebrew 4:16 , Hebrew 11:7

Ta tempo di cuaresma ban limpia nos tempel cu ta nos alma

cu ta pertenece na Dios cu a manda su unico yiu He-suCristo

cu a muri na erus pa salba nos picanan i su sanger a wordo

derama pa cura nos di tur

malesa .

Ban uni nos mannan hun-to pidiendo Dios pa Aruba i mundo

henter . Ban stop di dis-cordia , problema pero ban busca

e lus den horizonte pa salba nos di e tempestad i miseria cu

lo bai bin den e tempo nan dificil cu nos lo bai enfren-ta.

Aruba nos ta den bataya hunto como un pueblo generoso.

UNION TA HASI  
FORSA CONFIANDO  
DEN SENJOR

## Oracion di Papa Francisco Na Santisima Birgen Maria

Mama di Amor Divino  
(Contra e Pandemia di Coronavirus)

Oh, Maria, Abo cu semper ta resplandese den nos caminda como signo di salvacion y speransa.

Abo cu ta salud di enfermonan.

Abo kende na pia di e crus di Hesus, A uni cu su dolor, y a mantene bo Fe, nos ta confia den bo.

Abo, kende ta intersede pa salvacion di tur pueblo; bo sa di nos necesidad i nos tin e siguransa cu bo lo pidi pa nos, mescos cu na Cana di Galilea, pa nos por haña bek nos alegria y goso, Despues di e momento di prueba aki.

Yuda nos, Mama di Amor Divino, pa nos ta conforme cu boluntad di Tata, y pa nos haci loke Hesus bisa nos.

E cu a tuma riba su scouder tur nos sufri-mento

y dolornan pa medio di su Cruz, y asina hiba nos na legria di su Resurreccion. Amen.

Nos Tata..., Ave Maria... Gloria (3x)

## PUEBLO A HAÑA SU PEN BEK

Pa kualkier informacion  
solodipueblo@gmail.com  
of  
☎ 585-9500

## COVID-19 CORONAVIRUS STOP DI PLAN'E

Minister Xiomara Maduro a anuncia  
productionan cu lo wordo regula

## PRODUCTIONAN TEMPORAL

DESDE  
DIABIERNA  
20 MAART

### DESINFECTANTE PA UZO PERSONAL



HANDSANITIZER ALCOHOL 70% GLACIAL HABON

### DESINFECTANTE PA UZO DOMESTICO



PRODUCTONAN CU TA CONTENE CHLOOR LYSOL WIPES



BEBIDANAN CU TA CONTENE ELEKTROLYTEN



PAPEL DI WC



EQUIPO DI PROTECCION (MASKS, GLOVES)



WUKI PA BABY



BABY WIPES



DRIED FRUIT



CORNFLAKES PLAIN



FROZEN FRUITS



FROZEN CHICKEN WHOLE LEGS Y CHICKEN WINGS



# E 10 MANDAMENTONAN DI DIOS, PA BOSO NO BAY PERDI DEN FIERNO

Di prome Ley: Adora y stima bo Senjor y bo Dios di henter bo curason, di henter bo alma, di henter bo ser, di henter bo sintir y mas cu tur cos den mundo. Akinan nos mester stima Dios mas cu nos mes y mas cu nos sernan stima y e Ley aki ta prohibi nos di kere y participa den cosnan di supersticionnan, den amuletonan di wowo di bonchi etc, den furu na curpa y den cas, na esnan cu ta hasi pactonan satanico, den masoneria, na esnan cu ta adora diosnan pagano, esnan den organisacionnan satanico, esnan cu ta haci pactonan satanico, den horoscoponan, den medium, den yoga, den new age, den e bruhanan y den bruheria, den santeria, den curanderonan, den montamentonan, den quija board, weganan satanico den celular, no pone ningun sorto di tatuahenan ariba bo curpa, no pone microchip na curpa y no pone markanan satanico 666 riba curpa, no participa na e actividadnan di halloween etc. etc.

E mesun Mandamento aki ta bisa tambe: Stima bo prohimo manera bo mes. Akinan nos mester stima tur hende y nos mester pordona nos enemigonan y no tene otro na curason pa motibo di rabia, odio y envidia, no discrimina otro, no jena otro cu rabia, no papia malo di otro, no bulling, no desprecia otro pero duna otro balor y aprecio. Nos mester stima y pordona pa asina Dios tambe por pordona tur nos pikanan y nos ofensanan.

Di dos Ley: No usa Number di Dios sin mester. Akinan no usa e number di Dios sin mester den bida di pika, den palabranan malo y den dichonan bulgar sin respet. Den number di Dios nos ta resa, predika, spierta, avisa, conseha y evangelisa.

Di tres Ley: Santifica dia di Senjor. Ariba diadomingo nos ta santifica dia di Senjor door di bai Misa pa nos honra Dios Su dia, pa nos scucha Dios Su Palabranan den e Evangelio y pa nos por ricibi E Curpa y E Sanger di Cristo Hesus den e Santa Eucaristia. Nos mester ta limpi di curason sin ningun pikanan grandi y mortal pa nos por ricibi E Santa Hostia. Esnan cu ta biba den pikanan grandi nan no por bai ricibi, nan mester stop di biba den pika y bai confesa nan pikanan na un pas-

toor, prome cu nan bai ricibi. Esnan cu ta ricibi concientemente den nan pikanan grandi, nan ta come condenacion pa nan mes. Dia di Senjor ta un dia di famia na unda cu tata y mama tin tempo pa nan yiunan. Esnan cu ta salta Misa ariba Diadomingo nan ta comete un pika grandi.

Di cuatro Ley: Honra bo tata y bo mama. Den e Ley di Dios aki nos mester cuida tata y mama na cas, te dia cu Dios jama nan y Dios kier pa e mayornan ta felis y wordo cuida na cas hunto cu nan ser stimanan. Tambe nos mester obedece nos tata y mama pa nos por hanja e felicidad den nos mesun famia. Obedece tata y mama den consehonan y spiertamentonan tocante bida matrimonial, pasobra ta Dios mes ta avisa y ta spierta nos pa medio di tata y mama pa nos mesun felicidad. Pasobra tin yiunan ta enamora cu personan robez y cu ta bini di famianan kibra y no Catolico y e matrimonio lo kibra despues. Nunca no bisa, cu tata y mama no tin nada di bisa, pasobra esaki ta un Ley di Dios Tata e ta. Nunca un yiu no ta mas grandi cu su mayornan. Tambe yiunan mester wordo disciplina na chikito, pa na grandi nan ta obedece y pa nan tin respet.

Di cinco Ley: No mata. Akinan nos mester respeta e bida cu Dios ta duna nos aki na mundo, pesey no comete crimen, no comete suicidio, tambe no comete abortus y ni euthanasia cu ta un crimen grandi y condenabel pa Dios. Tambe adicto na droga y na alcohol ta un pika grandi den bista di Dios, pasobra bo ta mata bo mes sentimentalmente y emocionalmente pa nan deber Cristian y Spiritual pa Dios. No usa ningun anticonceptivonan, no usa condon, na hende hombernan cu ta masturba bentando nan sperma afo, no usa pildo y no opera pa no sali na estado, pasobra bo ta stop e procreacion humano di Dios Tata y esey ta condenabel pa Dios Tata. Pesey hende muhernan casa tin nan dianan di ciclus pa plania famia y pa nan haci nan relacion sexual cu nan casa. Tambe no Clone pa sali na estado, pasobra esey no ta bini di Dios Tata y e yiu lo nace sin alma.

Di seis Ley: Lo bo no comete e pika di adulterio. Akinan nos

mester respeta e bida matrimonial cu Dios a uni e pareha den un solo curpa den e Sacramento di Matrimonio den Misa pa medio di un Pastoor y Dios no ta reconoce divorcio, pasobra loke cu Dios a uni de e sacramento, hende no ta permiti di separa nunca. Ora un pareha a divorcia, e no mag di bai biba cu ningun otro persona, pa e no ser condena den e pika di adulterio cu un persona cu no ta su esposo y cu un persona cu no ta su senjora, pero nan mester laga e caminda habri pa duna bon ehempel na nan yiunan y pa un dia Dios uni nan atrobe manera cu mester ta. Tambe un persona soltero, no mag di bai biba companja y ni casa pa raad cu un persona divorcia, pa e no ser condena den e pika di complice di adulterio y kibrado di matrimonio, pasobra e caminda di e persona divorcia mester keda habri, pasobra e persona ta keda casa pa Dios te na morto.

Di siete Ley: No horta. Akinan nos mester respeta propiedadnan di otro, pasobra ta Dios ta duna nos tur loke cu nos tin mester den bida. Tambe na tur esnan cu a horta y a fia y no a wordo duna bek, anto tur nan debenan aki na ora di nan morto, lo wordo paga den e candela di purgatorio. Pasobra ningun hende cu debe no por dreña den e Gloria di Dios Tata, te ora cu e debenan di pika ta paga.

Di ocho Ley: No lanta falso testimonio ariba bo prohimo. Akinan ta prohibi di ganja ariba otro y di haci redonan falso, esnan cu

ta priminti y no ta cumpli, tambe rabiamento, odio, envidia y ta instiga hende cu rabia ariba otro y tambe no ta duna balor na otro.

Di nueve Ley: Lo bo no comete e pika di fornicacion y e pika di deshonesto. Akinan e pika di curpa, cu ta e relacion sexual prohibi pa Dios Tata y esaki ta esnan cu ta biba companja, na esnan cu ta casa pa Raad so y na esnan cu ta haci relacion sexual den libertinahe, den prostitutanen, den abuso sexual, tatanan y mamanan soltero lantando famia sin casa pa Dios. Pesei Cristo Hesus a institui den misa e sacramento di matrimonio pa e pareha por hasi nan relacion sexual pa lanta famia. E pikanan di deshonesto, ta esnan cu ta deshona nan curpa cu otro den inmoralidad cu ta e homosexualnan, e lesbiananan, e transsexualnan, e bi-sexualnan, e hetero-sexualnan, e pedofielnan, na esnan cu ta hasi oral sex y anal sex. Na esnan cu ta mira pornografia y na e hende muhernan cu ta bisti den inmoralidad muestra nan curpa casi sunu.

Di diez Ley: No codicia cos di otro hende. No codicia loke cu no ta di bo, no codicia su propiedad, no codicia su muhe of su homber, no codicia su plaka, no exige su plaka, no sea jaloers cu otro pasobra bo no ta felis, no forsa y no exige un persona pa duna bo plaka, no haci loke ta di mas, no gaba bo mes y bisa loke cu bo ta haci pa otro, pasobra loke cu bo man drechi haci, no laga bo man robes sa.

Un mensahero di Dios.



**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
☎ 585-9500





Se asegura que esta Oración se encontró el año de 1550 sobre el Sepulcro de N. S. Jesucristo y se la enviaron al Emperador Carlos El Grande cuando partía a combatir en San Miguel, en Francia.

Todo aquel que rece o lleve encima esta Oración será preservado de muerte repentina, de morir ahogado, quemado, de ser envenenado y de toda clase de accidentes. Las mujeres tendrán partos felices y al niño a quien se le aplique, será preservado de todo mal. Cura la epilepsia.

El que propague esta Oración recibirá muchas bendiciones y gracias. La casa donde se conserve con respeto y devoción, será preservada de las tempestades.

El que la rece diariamente, no morirá sin los Sacramentos.

(Con aprobación Eclesiástica)

† EMILIO, Arzobispo

Rezar esta Oración el Viernes Santo a las 3 p.m. y de preferencia el 3 de Mayo.

#### ORACION

Dios, Todopoderoso, que habéis padecido muerte de cruz por mis pecados, venid a mí Jesucristo, por tu Santísima Cruz, tened piedad de mí, tened piedad de nosotros, Santa Cruz de Jesucristo, sed mi esperanza. Jesucristo, por la señal de tu Santa Cruz, retirad de mí, toda arma cortante, derramad sobre mí, toda clase de bienes. Por la Señal de tu Santa Cruz, apartad de mí todo mal Santa Cruz de Jesucristo, sed mi salvación, apartad de mí, todo peligro de muerte; preservadme de toda clase de accidentes temporales. Yo adoraré a Nuestro Señor Jesucristo Crucificado y veneraré la Señal de su Santa Cruz. Jesús Crucificado, tened piedad de mí; haced que el espíritu malo huya de mí, ahora y siempre, por todos los siglos de los siglos. Amén.

Por tu Santa Encarnación, por tu glorioso nacimiento, por tu Santísima Sangre, por tu Corona de Espinas, tus Sagradas Llagas y preciosa Muerte en el memorable Viernes Santo, tened piedad de mí, libradme de todos los males en este mundo y llevadme después al cielo, para bendecirte y amarte por toda la eternidad. Amén.

## MOKO'S SNACKS CORNER

Cu dolor na nos curason, pero conforme cu boluntad di Dios, nos tin e tristo deber di anuncia fayecimento di su propietario:



### Jacintha Erlinda Figaroa-Tromp

Mihor conoci como Linda  
\*28 september 1959 – † 3 april 2020

Pa motibonan prevaleciendo, nos ta anuncia cu e acto di cremacion lo tuma lugar den seno familiar.

Despues famia lo anuncia un  
santo sacrificio di misa pa descanso di su alma.

## ORACION DI DIA

### Un dia bendiciona rumannan colma cu hopi gracia di Señor

“Boso no ta realisa cu ta cumbini boso laga un hende muri, en bes di permiti destruccion di henter pueblo?” (Huan 11, 50)

Awe nos por lesa con miedo di perde fama y poder ta pone hende traha trampa y forma complot pa mata un otro hende. Asina ta cu nan tabata kier a mata un hende cu tabata haci cosnan bon so. E prueba cu Hesus a lanta Lazaro for di morto tabata masha impactante mes y e noticia aki a plama den henter e region. Hesus a haya masha hopi siguido. Hopi hende a kere cu ta Hesus mes tabata nan Salvador cu a bini pa salba nan for di malo. Pero miedo y envidia tambe ta lanta den otro hende cu tabata kier tin tur poder. Sacerdotenan importante y fariseonan den consejo supremo no a gusta cu un hende so, E homber aki, tabata haya asina hopi poder. Nan tabata tin miedo pero na mesun momento nan tabata reconoce cu ta Hesus mes tabata esun cu tin hopi poder y hopi siguido.

Oracion: Señor, yuda nos prepara nos mes bon pa mayan Diadomingo di Rama y durante Semana Santa. Pa nos por comprende pakico Hesus mester a sufri y muri asina cruel na man di esnan cu tabata tin envidia ariba di E. Nos ta desea un conversion sincero y un cambio honesto y completo di nos bida, pa asina nos tambe lo por lanta for di morto, mescos cu Hesus, kende a Resucita gloriosamente for di morto.

AMEN.



# MENSAHE DI LA BIRGEN DI GRACIA DI ARUBA

## KOYARI, ARUBA

Un bendicion pa tur Mi yiunan cu ta biba den e mundo aki. Mi yiunan, hopi di boso no a lesa e mensahenan cu Ami y Mi Yiu Hesus a bisa boso, prome cu tur loke cu ta sosodiendo y cu ta pasando awor. E ta hopi duro, pero e ta e realidad. Awor hopi di boso ta core y ta cuminsa resa. Nunca den pasado tin tanto hende cu ta resa manera awor. Mi ta hopi felis cu mundo a bay den oracion. Bida ta keda duro y hopi di esnan cu no a prepara nada, con nan ta bay haci pa sobrevivi? Ta bay tin gritonan, dolornan, hamber, miedo, susto, yoramento y mortonan diripiente cu nan dia no a yega ainda. Hopi hende ta canando rond cu curasonnan sera y nan no kier bira humilde y sincero pa cambia pa un bida mihor. Hasta hendenan ta cuminsa drenta boso cas pa horta

cuminda. Esey ta bin door di desesperacion. Plaka no tin balor mas y plaka lo caba y bay for di boso. Hopi hende den mundo lo drenta den susto y miedo, pasobra loke cu ta pasando ta hopi serio. Mi yiunan, boso a prepara y haci tur locual cu Mi Yiu Hesus a pidi boso anterior? Mi sa cu e ta duro, pero cu voluntad di Mi Yiu Hesus, boso por tur cos. Nada ta imposibel. Esnan cu tin fe lo logra. Awor mundo a bay den un silencio den oracion pa jega mas cerca di e amor di Mi Yiu Hesus. Resa tur dia boso Santo Rosario y tambe e 13 Divina Misericordia. Esnan cu ta haci oracion, nunca nan lo no tin miedo, pasobra boso tin Ami y Mi Yiu Hesus cerca boso. Tene duro y no cay mas den pikanan. Mundo lo wordo enfrente cu socedidonan menos bon. Oracion so por

juda boso y resa hopi den famia. Awor aki e union ta haci forsa, pasobra Mi Yiu Hesus lo keda vigila boso. Tin hopi hende ta gusta e bida di libertinahe y nunca nan no ta corda riba Mi Yiu Hesus ningun dia y nunca nan no tin tempo pa Su Amor. Hopi ta cana cu oreo tapa y nan no kier scucha e berdad y ni Su Palabranan di bida eterna. Ta duro pa nan comberti awor, pasobra nan no ta custumbra di resa. Hopi di bosonan lo bay atras y boso mester cuminsa di nobo.

E enemigo ta hariendo, mescos ora cu Mi Yiu Hesus a wordo enfrente cara cu cara pa e demonio. Lo bay tin un bataya den mundo. Mi Yiu Hesus lo vence y triunfa. Habri boso curason y biba mas uni cu otro. Mi Yiunan, Mi kier a bisa boso, cu e virus aki cu ta pasando, a bin

pa medio di e demonio pa caba cu boso. Mi kier bisa algo na boso cu ta biba riba e mundo aki.

Ora cu boso ta haci bon, tur cos ta mustra bon, pero ora cu e cambio den mundo bini, e apariencia di hende ta cambia y nan no ta preocupa pa boso y ni pa boso famia. Loke cu ta combinan, nan ta tuma. Cuminsa di awor padilanti pa yuda tur esnan cu ta bin bati na boso porta, pero tin hendenan cu tin algo otro den nan cabeas, cu ta pa horta y pa maltrata boso pa motibo

di desesperacion.

Especialmente na esnan cu nunca no tin Mi Yiu Hesus den nan curason y eseynan ta e atetonan y tambe na esnan cu ta biba pa biba y cu ta haci danjo na otro. Mi curason ta bati duro y Mi ta pura pa papia cu boso. Danki pa scucha Mi mensahe, pesey seuche cu amor y cu atencion, pasobra Mi Yiu Hesus ta amor.

Di boso Mama, La Birgen di Gracia di Aruba, cu ta stima boso y cu ta keda semper pendiente cu boso . AMEN



### "AMOR BERDADERO."

Tur hende tin un storia di nan bida asina a haya un ruman na caminda cu a wordo trata i stima cu e Amor sin tin diferencia pero si hopi balor.

Martin a musta con e por a trata atento ta bin San Nicolas pa bishita su famia grandi cu tabata considera parti di su mesun bida cu ela logra.

Ainda ta mire ta cana cu su baston contento ta habri combersashon puntra pa cada un ruman su salud asina por a conoce su gran actitud.

Martin semper bo ta keda e ruman cu Dios a regala nos pa duna e man pa musta unda tin Amor tin union pesei a mira bo como un bendishon.

PA NOS COMO BO RUMANNAN WOUTERS.

CU NOS RUMAN MARTIN DESCANSA NA PAZ DEN REINO DI TATA CELESTIAL.

Autor : Omaira I. Rodriguez-Britten

**SIGUI SANTA MISA FOR DI BO CAS**  
**Diadomingo 5 di april, nos ta celebra Diadomingo di Rama S.S. Misa 11:00 A.M.**  
**INICIO DI SEMANA SANTA**  
**TRIDUO PASCUAL MISTERIO DI MORTO Y RESURECION DI SEÑOR HESU-CRISTO**  
**DIASABO SANTO - S.S. di Misa 6:00 P.M.**  
**BIERNA SANTO - 3:00 P.M. Conmemoracion di Pasion y Morto di Señor**  
**DIASABRA SANTO: S.S di Misa 7:00 P.M. VIGILIA PASCUAL**  
**(Renovacion di promesanan bautismal)**  
**Diadomingo 12 di april - Pasco di Resurrección S.S. Misa 11:00 A.M.**

# Semana Santa

**5 a 11 de Abril**

**SIGUI SANTA MISA FOR DI BO CAS**  
[www.facebook.com/Parokia.SanFrancisco](https://www.facebook.com/Parokia.SanFrancisco)